

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Kalaallit Nunaanni eqqartuussisarnermut inatsisip allanngortinneqarnera pillugu Kalaallit Nunaanni inatsisip atuutsinneqalernissaanut Namminersorlutik Oqartussat oqaaseqaataat pillugu Inatsisartut aalajangiiffigisassaattut siunnersuut (Eqqartuussiviit il.il. suliniuteqarfigineqarnerulernissaat)**

Kalaallit Nunaanni eqqartuussisarnermik inatsisip allanngortinneqarnissaa  
pillugu inatsisissatut  
**siunnersuut**

(Najukkani eqqartuussivinni il.il. suliniarnermik nakussassaaneq)

## § 1

Kalaallit Nunaanni eqqartuussisarnermik inatsimmik, tak. Inatsit nr. 305, 30. april 2008-meersoq, inatsit, nr. 1388, 23. december 2012-imeersukkut allanngortinneqartumik, tulliuuttunik allanngortitsisoqassaaq:

1. § 16-imi imm. 3-p kingorna immikkoortumik nutaamik ilanngussisoqassaaq:

»Imm. 4. Tamatuma saniatigut Danmarkimi eqqartuussivinni nalinginnaasuni aalajangersumik eqqartuussisoq fuldmægtigiluunniit najukkami eqqartuussivimmi najukkami eqqartuussisuugallartutut ivertinneqarsinnaavoq.«.

2. § 17-imi, imm. 3, »5« allanngortinneqassaaq »8«-nngorlugu.

3. § 18-imi, imm. 2, »2« allanngortinneqassaaq »5«-inngorlugu.

4. § 20-mi, imm. 3, »imm. 4 aamma 5« allanngortinneqassaaq »imm. 4-6«-inngorlugu.

5. § 20-imi imm. 5-ip kingorna immikkoortumik nutaamik ilanngussisoqassaaq:

»Imm. 6. Eqqartuussisumut ikiortit eqqartuussissutissanik isumaqatigiinniartitsisutut suliaqartussatut pisuni immikkut ittuni ivertinneqarsinnaapput.«.

Imm. 6-7 allanngortinneqassapput imm. 7-8-nngorlugit.

6. § 20, imm. 6-imi, oqaaseqatigiit pingajuat, tassaalersumi imm. 7,2 oqaaseqatigiit appaat, »3« allanngortinneqassaaq »6«-inngorlugu.

7. § 55 imatut oqaasertalerneqassaaq:

»§ 55. Pinerlunnermik suliani, najukkani eqqartuussiviit siullermeerinnilluni suliarinnittuussaaq tak. § 54, nr. 2, pigisanik agguaassinermik suliani, tak. § 54, nr. 3, nammineersinnaassusiaanernik aammalu pigisat tungaasigut siunnersortissaliinermik suliani, tak. § 54, nr. 4, ataatassassarsiuinermik suliani, tak. § 54, nr. 5, aappariinnermik aamma angajoqqaat oqartussaassuseqarernerik suliani, tak. § 54, nr. 6, uppersaasiinerit pillugit suliani, tak. § 54, nr. 11, kiisalu imarsiornermut tungasunik nassuiaanermik suliani, najukkami eqqartuussiviit siullermeerinnilluni suliarinnissapput, suliat inatsisit, Inatsisartut inatsisaat, Inatsisartut peqqussutaalluunniit naapertorlugit Kalaallit Nunaanni Eqqartuussivimmi siullermeerlugit suliarineqartussaangippata.«

**8. I § 57-imi imm. 1 sioqqullugu immikkoortoq nutaaq ilanngunneqassaaq:**

»§ 57. Saqitsaannermik suliani, tak. § 54, nr. 1, eqqartuussinertaqanngitsumik aalajangiinikkut kiffaangissusiaanermik misiliineq pillugu suliani, tak. § 54, nr. 7, akuersisitsinertaqanngitsumik qitornavissartaartitsinissamik aalajangiinernik misiliineq pillugu suliani, tak. § 54, nr. 8, inerteqqutit, pisinnaatitaaffinnik takussaangitsunik innarliisoqarsimatillugu allakkanik qulakkeerineq, arsarinnikkallarnerit, pinngitsaaliissummik tuniniaanerit pillugit suliani aamma eqqartuussutinik naammassinninniaanerup tungaatigut suliassanik misiliinermik suliani, tak. § 54, nr. 9, nalunaarsuinerit (eqqartuussivikkoortumik) suliani, tak. § 54, nr. 10, misissuisartussanik naliliisartussanillu eqqartuussiviit sulinerisa avataatigut toqqaanermik suliani, tamanna naalagaaffiup sinniisaanit isumagineqarsinnaanngikkaangat, tak. § 54, nr. 13, uppersaatisanik katersuinermik suliani, suliani eqqartuussivimmi ingerlanneqartuni atugassaangippata, tak. § 54, nr. 14, kiisalu suliani allani, inatsisit naapertorjgit eqqartuussivinnut suliassanngortitani, tak. § 54, nr. 15, Kalaallit Nunaanni Eqqartuussivik siullermeerinnilluni suliarinnittuussaaq.

Tamatuma kingorna imm. 1-2 allanngortinneqassapput, imm. 2-3-nngorlugit.

**9. § 57, imm. 1-imi, imm. 2-nngortumi oqaatsip »Eqqartuussiviup« kingorna oqaatsit: »tamatuma saniatigut« ilanngunneqassapput.**

**10. Kapitali 22 atorunnaarsinneqassaaq**

**11. § 292, imm. 3-mi, allassimasoq »eqqartuussivimmut pineqartup sumiiffigisaaniittumut« allanngortinneqassaaq: »Kalaallit Nunaanni Eqqartuussivimmut«-imik allassimasunngorlugu.**

**12. § 293, imm.2-mi, aamma § 296, imm. 2-mi aamma 3-mi, oqaaseq »Eqqartuussisoq« allanngortinneqassaaq: »Eqqartuussivik«-nngorlugu.**

**13. § 295, imm. 3, oqaaseqatigiit aappaanni, oqaaseq »eqqartuussisup« allanngortinneqassaaq »eqqartuussiviup«-nngorlugu aamma § 297, oqaaseqatigiinni siullerni, oqaaseq »eqqartuussisoq« allanngortinneqassaaq »eqqartuussivik«-nngorlugu.**

**14.** § 747, *imm. 1-imi*, oqaaseq »maannamut« allanngortinneqassaaq »siusinnerusukku«-nngorlugu, aamma »2016« allanngortinneqassaaq »2018«-inngorlugu.

## § 2

Inatsit atortuulersinneqarpoq ulloq 1. juli 2014.

*Imm. 2.* Sulianut inatsisip atuutilernerata kingorna eqqartuussivinnut suliassanngortinneqartunut, sulianullu tamanut inatsisip atuutilerana sioqqullugu najukkani eqqartuussivinnut suliassanngortinneqartunut, inatsisilli atuutilernerani najukkani eqqartuussivinni piviusumik suliarineqarsimangitsunut inatsimmi § 1, nr. 7-13 atuutissapput.

# *Inatsisissatut siunnersuummut oqaaseqaatit*

## *Oqaaseqaatit nalinginnaasut*

1. Aallaqqaasiut
2. Inatsisit atuuttut
  - 2.1. Kalaallit Nunaanni eqqartuussiveqarfiit aaqqissuussaananerat
    - 2.1.1. Kalaallit Nunaanni eqqartuussiveqarfiit aaqqissuussaananerannik 2010-mi iluarsartuusseqqinneq 2010-meersoq
    - 2.1.2. Kommunit aaqqissuussaananerannik iluarsartuusseqqinneq 2009-meersoq
    - 2.1.3. Eqqartuussiveqarfinnik allanngineq 2013-meersoq
  - 2.2. Najukkami eqqartuussiviit
    - 2.2.1. Najukkami eqqartuussisoqarnermik aaqqissuussineq
    - 2.2.2. Najukkami eqqartuussisusutut eqqartuussisumulluunniit ikiortitit ivertitaagallarneq
    - 2.2.3. Akiliisitsiniaanermik suliat aalajangersimasut suliarinerat pillugu immikkut
3. Najukkami eqqartuussivini sulianik suliarinninnermi naammassisinnaasut
  - 3.1. Kalaallit Nunaanni Eqqartuussiveqarneq pillugu Isumalioqatigiissitat isumaliutaat
  - 3.2. Suleqatigiinnik suliasanik suliarinnittusannik pilersitsinermut aningaasaliissutit
4. Inatsisinik Atortitsinermut ministereqarfiup isumaliutai
  - 4.1. Inunnik inatsisilerinermik bacheloritut soraarummeersimasunik najukkami eqqartuussisutut ivertitsineq
  - 4.2. Saqitsaannermik sulianik arlaqartunik najukkani eqqartuussivinniit Kalaallit Nunaanni Eqqartuussivimmuut nuussineq
  - 4.3. Najukkami eqqartuussisuusimasunik il.il. ivertitsigallarnissamut periarfissaqarnerulerneq
  - 4.4. Eqqartuussisumut ikiortit atornissaannut periarfissat annertusinerat
  - 4.5. Danskit eqqartuussiviini inatsisilerituunik ivertitsigallarnissamut periarfissaq
  - 4.6. Akiliisitsiniarnermik eqqartuussisutigoortitsinerup atorunnaarsinnera
5. Pisortanut aningaasaqarnikkut allaffissornikkullu kinguneri
6. Inuussutissarsiortunut il.il. Aningaasaqarnikkut allaffissornikkullu kinguneri.
7. Innuttaasunut allaffissornikkut kinguneri
8. Avatangiisinut tunngasutigut kinguneri
9. EU-mi inatsiseqarnermut attuumassutit
10. Oqartussaasut, kattuffiit il.il. tusarniaaffigineqartut
11. Immersugaq eqikkaaffiusoq

## **1. Aallaqqaasiut**

Piffissap sivisungaatsiartup ingerlanerani Kalaallit Nunaanni najukkani eqqartuussivinnut najukkami eqqartuussisunik aalajangersimasunik, ilinniarsimasunik sulisussarsiniarneq assut ajornakusoorsimavoq, najukkamimi eqqartuussisunngorsinnaasut ikittuaraannaammata naleqqutinngitsumillu saqqumilaassuseqarlutik. Suliat ingerlasut (suliassat qaleriaaginnartut)

eqqartuussivimmi suliarineqarnissamut utaqqisut amerlalluinnalersimanagerat sulisussarsiornermik ajornartorsiutit ilaatigut kinguneraat..

Kalaallit Nunaanni eqqartuussiveqarfiit 1. januar 2013-mi atuutilersumik 18-iniit 4-nut ikilineqarput, najukkami eqqartuussisunik piginnaeqarluartunik piffissaq suliffiusussaq tamaat sulisussanik sulisussarsisinnaanermut sinaakkusiussat pitsaanerulersinnissaat siunertarineqarluni, avatangiisillu suliamut attuumassuteqartut ineriartorfiusut, suliamik suliarinninnerup annertuumik pitsaassuseqarfigisaat pilersinniarnearlutik, suliamillu suliarinninnerit piffissami akuerineqarsinnaasumi suliat suliarineqartarnissaat siunertaalluni.

Inatsisinilli Atortitsinermut Ministereqarfik isumaqarpoq najukkami eqqartuussivinni sulisussarsiniarnermik ajornartorsiutit iliuseqarfiginiarlugit, suliallu ingerlasut ullumikkut najukkani eqqartuussivinniittut (suliat qaleriiaaginnartut) amerlalluinnartut naammassiniarlugit suliniutinik arlaqartunik pisariaqartitsisoqartoq.

Aamma suliat ilaqutariinnermut inatsisinut tunngasut suliarinerisa saniatigut najukkami eqqartuussisut sulianik allanik saqitsaannermut tunngasunik suliarinninnissamut nalinginnaasumik piffissaqarpianginnerat uppersarsarneqarsinnaavoq, aamma saqitsaannermik suliat eqqartuussutigineranni inatsisinik assiginngiiaartorpassuarnik tunngaveqarluni kissaatiginartutut pitsaassusilimmik aalajangiinissamut najukkami eqqartuussisut nalinginnaasumik piginnaasaqanngillat.

Kalaallit Nunaanni eqqartuussisarnermik inatsisip arlalitsigut allanngortinneqarnissaa inatsisissatut siunnersuutikkut siunertaavoq, najukkani eqqartuussivinni suliat qaleriiaatiinnalersut ikilisarneqarnissaat anguniagaalluni, ungasinnerusumullu isigaluni Kalaallit Nunaanni eqqartuussivinni suliat piffissami naammaginartumik sivisussusilimmi suliarineqartarnissaat pisariaqartumillu pitsaassuseqarnissaat qulakkeerneqassallun.

Allanguutit piviusunngortinneqartussatut siunnersuutigineqartut pingaarnertut makkununga tunngasuupput

- 1) pingaartumik suliat ilaqutariinnermut inatsisinut tunngasut, ataataarsiuinermik suliat pigisanik agguaassinermik suliat eqqaassanngikkaanni saqitsaannermik sulianut taamatut Kalaallit Nunaanni Eqqartuussiviup pinngitsoorani suliarinnittusaaanera,
- 2) najukkami eqqartuussisunik ivertitsigallarsinnaanermut periarfissat annertusinerat, danskit eqqartuussiviini inatsisilerituunik ivertitsigallarsinnaanermut periarfissap pilersinnera ilanngullugu, aamma
- 3) eqqartuussisumut ikiortunik atuinissamut periarfisat annertusillugit.

Suliniutit tamarmik Kalaallit Nunaanni Eqqartuussiveqarfimmut Siunnersuisoqatigiinnit kaammattuutigineqarput.

## **2. Inatsisit atuuttut**

### *2.1. Kalaallit Nunaanni eqqartuussiveqarfiit aaqqissuussaannerat*

#### *2.1.1. Kalaallit Nunaanni eqqartuussiveqarfiit aaqqissuussaannerannik iluarsartuusseqqinneq 2010-meersoq*

Inatsisissatut siunnersuutit arlaqartut, tamarmik Kalaallit Nunaanni eqqartuussiveqarfiup annertuumik iluarsartuuteqqinneqarnissaanik siunertaqartut, aamma Kalaallit Nunaanni eqqartuussisarnermik inatsit, (inatsit nr. 305, 30. april 2008-meersoq), 1. januar 2010-mi atuutilersoq Folketingep 2008-mi ukiakkut akuersissutigai.

Kalaallit Nunaanni eqqartuussiveqarfik pillugu Kalaallit Nunaanni Eqqartuussiveqarnermut Ataatsimiititaliarsuup isumaliutissiisutaani nr. 1442/2004-mi kaammattuutai iluarsartuusseqqinnermi pingaarnertut tunngavigineqarput.

Eqqartuussiveqarnermut inatsisitigut taamanikkut tunngaviusut pilersinneqarneraniilli kalaallit inuiaqatigiit malunnaatilinnik ineriartorsimanerat ataatsimiititaliarsuup pilersinneqarneranut pingaarnertut tunuliaqutaavoq. Inuiaqatigiinni pissutsit ilaatigut innuttaasut illoqarfinni eqiterukkaluttuinnarnerat ilutigalugu pisariunerulersimapput, inuussutissarsiornermillu suliaqarneq annertoqisumik ineriartorfiusimalluni. Ilaatigut inooqatigiinnikkut pissutsit allanngornerisa kinguneranik Kalaallit Nunaanni eqqartuussiveqarfiup maannamut aaqqissuussaanneranut tunngavisut pingaaruteqartunik allanngorsimapput.

Taamaalilluni Kalaallit Nunaanni eqqartuussisarnermik aaqqissuussinerup ullutsinnut tulluarnernernissaa, kalaallinillu inuiaqatigiinnit nutaaliaasunit piomasqaataasunik naammassinnissinnaalernissaa iluarsartuusseqqinnermi siunniussaavoq. Eqqartuussisarnermik aaqqissuussineq nutaaq danskit eqqartuussisarnermik inatsisaanni malittarisassat aallaavigalugit ilusilersorneqarpoq, taamaattorli Kalaallit Nunaanni pissutsit immikkut ittut pingaarutilimmik mianerineqarlutik.

Nunamut isorartoqisumut ikittuinnarnik siammasillutillu najugaqarlutik innuttaqartumut tulluurtumik periuseqalernissamik kissaateqarneq Kalaallit Nunaata eqqartuussisarnermut namminerisaminik taamanikkut inatsiseqalerneranut tunngavilersuutaavoq. Innuttaasut tamarmik, danskiugunik kalaaliugunilluunniit, naligiissitaanissaat kissaataavoq, kikkullu tamarmik eqqartuussinernik oqaatsitigut imarisaasigullu paasinnissinnaanissaat kissaataalluni. Taamaattumik taamanikkut kommuniusuni tamani najukkami eqqartuussiviit pilersinneqarput, inuit najukkami inuiaqatigiinnut ilaasut, tassalu ilinniarsimangitsut, aalajangiisartussaallutik.

Kalaallit Nunaanni eqqartuussiveqarfinnik maannamut aaqqissuussineq iluarsartuusseqqinnermut atatillugu attatiinnarneqarpoq, taamaasilluni Kalaallit Nunaanni kommunit killeqarfii aallaavigalugit eqqartuussiveqarfinnut 18-inut aallaqqaammulli agguaassineq ingerlateqqinneqarluni.

### *2.1.2. Kommunit aaqqissuussaanerannik iluarsartuusseqqinneq 2009-meersaq*

Kalaallit Nunaata nunap immikkoortuinut kommuneqarfinnullu aggorneqarnera pillugu Inatsisartut inatsisaat nr. 15, 5. december 2008-meersukkut Kalaallit Nunaanni kommunit maannamut 18-iusut kommunerujussuarnut sisamaasunut kattussuunneqarput. Kommunit kattunnerat 1. januar 2009-mi atuutilerpoq.

### *2.1.3. Eqqartuussiveqarfinnik allannguineq 2013-imeersaq*

Kalaallit Nunaanni eqqartuussiveqarfinnik 2010-imi iluarsartuusseqqinnermut tunuliaqtitut inatsisissatut siunnersuutip tusarniaassutigineranut atatillugu Kalaallit Nunaanni nunap eqqartuussisuanit, najukkami eqqartuussisut peqatigiiffiannit kiisalu Kalaallit Nunaanni Politimesterip oqaaseqaataat tunuliaqutaralugit Namminersornerullutik Oqartussat (maanna Namminersorlulik Oqartussat) oqaatigaat, eqqartuussiveqarfiit nunap immikkoortuinut arlaatigut agguanneqarnissaat oqartussaasut taakku tulluurtussatut isigigaat.

Tamanna tunuliaqutaralugu Inatsisunik Atortitsinnermut Ministereqarfiup oqaatigaa Kalaallit Nunaanni Eqqartuussiveqarneq pillugu Isumalioqatigiissitat (iluarsartuusseqqinnermut atatillugu pilersinneqartut, tak. Kalaallit Nunaanni eqqartuussisarnermik inatsimmi § 742) suliassamisut siullertut mianerisassat imminnut assortuuttut eqqarsaatigalugit nunap immikkoortuinut agguaaqqittoqarsinnaanera eqqartuussiveqarfiit ikinnerulernerannik kinguneqartoq piviusunngortissallugu tunngavissaqarnerisooq isumalioqatigiissitap isumaliuteqarnissaannik qinnuiginiarlugit ministereqarfiup oqaatigaa, Inatsisissatut siunnersuummut nr. L 34-imut (Folketingip ukiua 2007-08 (ataatsimiinnerit 2.-at)) oqaaseqaatini nalinginnaasuni imm. 5.3 innersuussutigineqarpoq.

Kalaallit Nunaanni Eqqartuussiveqarneq pillugu Isumalioqatigiissitat ataatsimoortumik nalilersuereernermik kingorna isumaqarput, Kalaallit Nunaanni kommunit aaqqissuussaanerannik iluarsartuusseqqinneq kommunerujussuarnik sisamanik pilersitsinertalik malillugu, aamma Kalaallit Nunaanni najukkani eqqartuussiviit nunap immikkoortuinut agguaanissaat ajunnginnerpaassasoq. Taamaalilluni Isumalioqatigiissitat isumaqarput Kalaallit Nunaanni kommunerujussuit sisamaasut assigisaannik eqqartuussiveqarfinnik sisamanik nutaanik pilersitsinissaq siunertaralugu Kalaallit Nunaanni eqqartuussisarnermik inatsisip allanngortinneqarnissaa sulissutigineqalertariaqartoq.

Kalaallit Nunaanni eqqartuussisarnermik inatsisip allanngortinneqarnissaa pillugu inatsit nr. 1388, 23. december 2012-imeersukkut (Kalaallit Nunaanni eqqartuussiveqarfinnik allanngortitsineq il.il.) Kalaallit Nunaanni eqqartuussiveqarfiit siusinnerusukkut 18-iusimasut eqqartuussiveqarfinnik nutaanik sisamanik taarserneqarput, Kalaallit Nunaanni kommunit maanna agguataarnerat aallaavigalugu aalajangersarneqartunik.

Eqqartuussiveqarfiit 18-iniit 4-nut ikilinerisigut najukkami eqqartuussiviit najukkamilu eqqartuussisut suliamut tunngasutigut piginnaasatigullu nukittorsaavigineqarnerannik kinguneqarumaanera allannguinermut tunuliaqutaavoq, najukkani eqqartuussisut eqqartuussiveqarfinnut angisuunut eqiternerisigut najukkami eqqartuussisut akornanni

avatangiisit nukittuffiusut, isummanik pikialaarfiusut ineriartorfiusullu pilersinnissaannut tunngavissisoqarsinnaammat. Taamaallilluni eqqartuussiveqarfiit allanngornerisa kinguneranik najukkani eqqartuussisut Kalaallit Nunaanni illoqarfinni ataasiakkaani immikkoorlutik inissisimanatik maanna ataatsimoorsinnaalerput, ilisimasanik misilittakkanillu paarlaasseqatigiissinnaallutik katersisinnaallutillu.

Taamaallilluni eqqartuussiveqarfiit nunap immikkoortuinut agguanneranni najukkami eqqartuussisunik piffissami suliffiusussami tamarmi sulisussanik sulisussarsisinnaanerup ajornannginnerulernissaa ilaatigut siunertaavoq, sulianillu suliarinninnerup annertuumik pitsaassuseqalernissaa sulianillu suliarininnermut piffissap akuersarneqarsinnaasumik sivisussuseqalernissaa siunertaallutik.

Kalaallit Nunaanni eqqartuussiveqarfiit erseqqinnerusumik aalajangersagaanerat Kalaallit Nunaata eqqartuussiveqarfinnut agguagaanera pillugu nalunaarut nr. 1428, 23. december 2012-meersumi takuneqarsinnaavoq.

## *2.2. Najukkami eqqartuussiviit*

### *2.2.1. Najukkami eqqartuussisoqarnermik aqqissuussineq*

2.2.1.1. Kalaallit Nunaanni eqqartuussisarnermik inatsimmi § 1 naapertorlugu eqqartuussiviit nalinginnaasut tassaapput najukkani eqqartuussiviit, Kalaallit Nunaanni Eqqartuussivik, Kalaallit Nunaata Eqqartuussisuuneqarfia kiisalu Eqqartuussiviit Qullersaat.

Inatsimmi § 54 naapertorlugu eqqartuussiviit suliassat piginnaatitaanerallu tassaavoq tulluuttunik suliarinninnissaq

- 1) saqitsaannermik suliassat,
- 2) pinerlunermik suliassat,
- 3) pigisanik agguassinermik suliassat,
- 4) nammineersinnaassusiaanerit aammalu pigisat tungaasigut siunnersortissaaleqineq pillugu suliassat,
- 5) ataatassarsiuussinermik suliassat,
- 6) aappariinnermik aamma angajoqqaatut oqartussaassuseqarnermik suliassat,
- 7) eqqartuussinertaqanngitsumik aalajangiinnikkut kiffaanngissusiaaneramik milisiineq pillugu suliassat,
- 8) akuersisitsinertaqanngitsumik qitornavissiarartitsinissamik aalajangiinnermik misiliineq pillugu suliassat,
- 9) inerteqqutit, pisinnaatitaaffinnik takussaannngitsunik innarliisoqarsimatilugu allakkanik qulakkeerineq, arsaarinnikkallarnerit, pinngitsaaliisummik tuniniaanerit pillugit suliassat aamma eqqartuussutinik naammassinninniaanerup tungaatigut suliassanik misiliineq,
- 10) nalunaarsuineq (eqqartuussivikkoortumik),
- 11) uppersaasiinerit,
- 12) imarsionermut tunngasunik nassuiaanerit,



- 13) misissuisartussanik naliliisartussanillu eqqartuussiviit sulinerisa avataatigut toqqaaneq, tamanna naalagaaffiup sinniisuanit isumagineqarsinnaanngikkaangat,
- 14) uppersaatissanik katersuineq, suliassani eqqartuussivimmi ingerlanneqartuni atugassaasannippata, aamma
- 15) suliassat allat, inatsisit naapertorlugit eqqartuussivinnut suliassanngortitat.

Najukkami eqqartuussiviit suliassanik tamanik, inatsisikkut, Inatsisartut inatsisaatigut imaluunniit Inatsisartut peqqussutaatigut Kalaallit Nunaanni Eqqartuussivimmut suliullermeeriffiusumik suliarineqartussanngortinneqarsimanngitsunik siullermeeriffiusumik suliariniffiusussaapput, tak. Kalaallit Nunaanni eqqartuussisarnermik inatsimmi § 55.

Kalaallit Nunaanni Eqqartuussiviup suliassat inatsisikkut, Inatsisartut inatsisaaatigut Inatsisartut peqqussutaatigulluunniit eqqartuussivimmi tassani siullermeeriffiusumik suliarineqartussanngortitaasut suliarissavai, tak. Inatsimmi § 57, imm. 1. Aammattaaq suliassat, najukkani eqqartuussivinnit Kalaallit Nunaanni eqqartuussisarnermik inatsimmi § 56 naapertorlugu innersuussutigineqartut Kalaallit Nunaanni Eqqartuussiviup § 57, imm.2 naapertorlugu suliarissavai. Najukkami eqqartuussisup suliaq § 56 naapertorlugu Kalaallit Nunaanni Eqqartuussivimmi suliarineqartussanngorlugu innersuussutigisinnaavaa, imaappat 1) suliassaq apeqqutinut piviusunut imaluunniit inatsisinut tunngassutilinnut immikkut ajornakusoortunut tunngasuuppat, 2) suliassaq tunngavissiissussamik pingaaruteqartuuppat, imaluunniit 3) suliassaq illuatungiliuttumut immikkut sunniuteqartussamik pingaaruteqarpat (pinerlunnermilli suliassanut atuutinngilaq).

Kalaallit Nunaanni eqqartuussisarnermik inatsimmi § 202-mi takuneqarsinnaavoq saqitsaanermik suliassani illuatungeriit isumaqatigiissutigisinnaagaat suliassaq Kalaallit Nunaanni Eqqartuussiviup ataaniittoq najukkami eqqartuussivimmit suliarineqassasoq. Taamaattorli eqqartuussiviup isumaqatigiissutaasimasoq taamaattoq apeqqutaatinnagu suliassaq Kalaallit Nunaanni Eqqartuussivimmut § 56 malillugu innersuussutigisinnaagaa.

Kalaallit Nunaanni eqqartuussisarnermik inatsimmi § 6, imm. 1 naapertorlugu Kalaallit Nunaanni Eqqartuussivik Nuummi pingaarnermik eqqartuussisarfeqarpoq. Eqqartuussiviulli pisariaqartitsineq naapertorlugu eqqartuussineq najukkami eqqartuussiviit eqqartuussisarfianni suliarisinnaavaa. Kalaallit Nunaanni Eqqartuussivik § 6, imm. 2 naapertorlugu aalajangiisnaavoq eqqartuussivik nalinginnaasumik eqqartuussisarfiit avataanni sulisinneqassasoq.

Suliassat najukkani eqqartuussivinnit imaluunniit Kalaallit Nunaanni Eqqartuussivimmit siullermeeriffiusumik aalajangerneqarsimasut, Kalaallit Nunaanni eqqartuussisarnermut inatsimmi malittarisassat naapertorlugit Nunatta Eqqartuussisuuneqarfiani aappasaaneeriffiusumik suliarineqartussanngortinneqarsinnaasut Nunatta Eqqartuussisuuneqarfiata suliarissavai. Kalaallit Nunaanni Eqqartuussivik assigalugu Nunatta Eqqartuussisuuneqarfia Nuummi pingaarnertut eqqartuussisarfeqarpoq, aammali Nunatta Eqqartuussisuuneqarfia pisariaqarfiini najukkani eqqartuussiviit eqqartuussisarfiini sulisinneqarsinnaavoq, tak. Kalaallit Nunaanni eqqartuussisarnermik inatsimmi § 8, imm. 1.

Aammattaaq Nunatta Eqqartuussisuuneqarfia § 8 imm.2, § 6, imm. 2 naapertorlugu aalajangiisinaavoq eqqartuussivik nalinginnaasumik eqqartuussiviit avataanni sulisinneqassasoq.

Suliassat Nunatta Eqqartuussisuuneqarfianit aappassaaneeriffiusumik aalajangiivigineqartut Ingerlatseqqinnissamik Aalajangiisartut akuersinerisigut Eqqartuussiviit Qullersaannut pingajussaarinniffiusumik suliarineqartussanngortinneqarsinnaasut Eqqartuussiviit Qullersaata suliarissavai.

2.2.1.2. Najukkami eqqartuussiviit tamarmik ataatsimik arlalinnilluunniit najukkami eqqartuussisoqarput. Inuk pineqartoq ataaseq najukkani eqqartuussivinni arlaqartuni najukkami eqqartuussisutut ivertinneqarsinnaavoq. Taamatut aalajangiinermi suliat amerlassusaasa saniatigut eqqartuussiveqarfiup immikkuullarissusaa angallannikkullu pissutsit taamatut aaqqissuussinissamut illersorneqarsinnaanersut annertuumik pingaartinneqassapput.

Kalaallit Nunaanni Eqqartuussivimmi eqqartuussisoq aamma Nunatta Eqqartuussisuuneqarfiani nunatta eqqartuussisuunera kiisalu eqqartuussivinni taakkunani marlunni fuldmægtigit inatsisilerinermik kandidatitut soraarummeersimassapput. Najukkani eqqartuussisunut assigisaanik piumasagaateqanngilaq, eqqartuussisarnermillu aaqqissuussineq Kalaallit Nunaannut eqqunneqarmalli, najukkami eqqartuussiviit inuinnaasunit eqqartuussisoqartarnerat ilisarnaataavoq.

2.2.1.3. Kalaallit Nunaanni eqqartuussiveqarfiup 2010-mi iluarsartuuteqqinnera sioqqullugu najukkami eqqartuussisutut sulineq piffissap ilaannaani suliffittut isumagineqartarpoq, ilinniartitaanikkut piginnaasaqarnissamik immikkut piumasagaatitaqarani.

Taamaattoq najukkami eqqartuussiviit pisariaqartinneqartutut isigineqartumik suliamut attuumassuteqartumik annertuumik nukittorsaaviginissaat qulakkeerniarlugu, iluarsartuusseqqinnermi malittarisassat eqqunneqarput, taakkualu naapertorlugit najukkani eqqartuussisut najukkani eqqartuussisut ilinniartitaanerat immikkut ittoq ingerlattussaavaat, tamatumalu kingorna aalajangersimasumik atorfinnut atorfinitsinneqarlutik.

Tamanna malillugu Kalaallit Nunaanni eqqartuussisarnermik inatsimmi § 12, imm. 2-imi allassimavoq najukkami eqqartuussisutut aatsaat atorfinitsisvittoqarsinnaasooq, pineqartup eqqarsuussisutut atorfinnut piukkunneqartutut atorfeqareermi kingorna eqqartuussisunut immikkut ittumik ilinniartitaaneq naammassererpagu.

Ilinniartitaanissamik piumasagaateqarneq pisuni immikkut ittuni avaqqunneqarsinnaavoq, tak. Imm. 3.

Najukkami eqqartuussisut tusaamanerlugaasussaangillat, aamma kommunalbestyrelsimut qinigaasinnaatitaanermut piumasagaatinik naammassinnissimasussaallutik, tak. Inatsimmi § 12, imm. 1. Najukkami eqqartuussisutut atorfinnut piukkussanik atorfinitsisinermi aamma eqqartuussisunik toqqaanermi, inuttut suliassatigullu piginaasaqarnerit saniatigut pineqartup

eqqartuussisoqarfimmi najugaqarfigisamini pissutsinik ilisimasaqartuunera pingaartinneqartassaaq, tak. § 12, imm. 4.

Ilinniartitaanermik piумаqammik tamakkiisumik ilaannakortumilluunniit pisussaajunnaartitsinissamut tunngavissaqarsinnaanermut assersuutitut § 12-p piareersarnerani taaneqarpoq, inuup pineqartup inatsisilerinermik atorfilinniatut soraarummeernermik angusisimanera. Peqatigisaanillu oqaatigineqarpoq, imm. 4-mi najukkami pissutsinik ilisimasaqarnissamik piumasaqarnerup kinguneranik, tamaallaat inatsisilerituumik kalaallisut oqaasilimmik najukkami eqqartuussisutut toqqaasoqartarnissaa aallaavittut pineqartoq.

Taamaasiornikkut inatsisissatut siunnersuut nr. L 34-mi § 12-imut oqaaseqaatit innersuussutigineqarput (Folketingip ukiuia 2007-08 (ataatsimiiffiusoq 2-at)).

### *2.2.2. Najukkami eqqartuussisusutut eqqartuussisumulluunniit ikiortitut ivertitaagallarneq*

*2.2.2.1.* Iluarsartuusseqqinneq sioqqulugu najukkami eqqartuussisoqarnermik aaqjissuussinerup kinguneranik najukkami eqqartuussisutut suliaq innuttaasutut pisussaaffiuvoq, najukkamilu eqqartuussisut amerlanersaat saniatigut suliffeqarlutik.

Qulaani imm. 2.2.1.3-p ataani taaneqartutut iluarsartuusseqqinnerup ilaatigut kinguneraa najukkani eqqartuussisut maanna najukkani eqqartuussisut ilinniartitaanerannik ingerlataqartussaapput, tamatumalu kingorna aalajangersimasumik atorfinnut atorfinitsinneqarlutik.

Tamaattoq iluarsartuusseqqinnerup 1. januar 2010-mi atuutilerneraniit najukkami eqqartuussisutut aalajangersimasumik atorfinnut tamanut najukkami eqqartuussisunik ilinniarsimasunik naammaginartumik amerlassusilinnik peqalernissamut piffissangaatsiaq ingerlajumaartoq najukkami iluarsartuusseqqinnerup piviusunngortinnerani naatsorsuutigineqarpoq. Taamaattumik maannamut najukkami eqqartuussisusimasut aalajangersimasumik atorfinnut atorfinikkusunngitsut piffissami ikaarsaariarfiusumi najukkami eqqartuussisutut ingerlaannarnissaat pisariaqartinneqartutut isigineqarpoq.

Taanna tunuliaqutaralugu Kalaallit Nunaanni eqqartuussisarnermik inatsimmi § 747-imi ikaarsaariarnermut aalajangersagaqarpoq, taamaasilluni inuit najukkami 1.januar 2010 sioqqullugu eqqartuussisutut maannamut sulisimasut, tusaamanerlugaanngikkunik kommunalbestyrelsimullu qinigaasinnaanermut piumasaaqatiniq eqqortitsigunik, najukkami eqqartuussisuugallartussatut ivertinneqarsinnaasunngorlugit.

Aalajangersakkap aallaqqaammut ilusilernerani oqaatigineqarpoq inuit Kalaallit Nunaanni eqqartuussisarnermik inatsisip nutaap 1. januar 2010-mi atuutilernera sioqqullugu najukkami eqqartuussisutut ivertitaasimasut, inatsisip atuutilersinneqarneraniit ukiut pingasut tikillugit najukkami eqqartuussisuugallartussatut ivertinneqarsinnaasut.

Eqqartuussiveqarfii 2013-imi allanngortinneqarnerisa peqatigisaanik ikaarsaariarnermut aaqjissuussineq sivitsorneqarpoq, taamaalilluni maanna 1. januar 2016 tikillugu

atuuttussaalluni. Inuit ikaarsaariarnermut aaqqissuussinerup 1. Januar 2010-mi atuutilerana sioqqullugu najukkami eqqartuussisut sulisimasut ivertitaagallarsinnaanerata aalajangersakkakut suli periarfissaatinneqarpoq.

Najukkami eqqartuussisunik aalajangersimasunik, eqqartuussisut ilinniartitaanerannik immikkut ittumik naammassinnissimasunik sulisussarsiniarnerup ajornakusoorluinnarnerata paasineqarnera sivitsuinerumut tunuliaqutaavoq. Tamatumunnga erseqqinnerusut pillugit ataani imm. 3 innersuussutigineqarpoq.

2.2.2.2. Ikaarsaariarnermut aqquissuussinerup tamatuma immikkut ittup saniatigut, Kalaallit Nunaanni eqqartuussisarnermik inatsimmi najukkami eqqartuussisuugallartunik ivertitsineq pillugu aalajangersakkat nalinginnaasut arlaqartut aamma takuneqarsinnaapput.

Taamaalilluni inatsimmi § 16, imm. 2 naapertorlugu Kalaallit Nunaanni eqqartuussivimmi najukkami eqqartuussisut fuldmægtigitullu toqqagaasimasut najukkami eqqartuussisuugallartussatut ivertinneqarsinnaapput, soorlu aamma eqqartuussisussatut piukkussat ilaat, pineqartup taassuma ilinniartittanerup ilaa tunngaviusoq naammassereersimappagu, pineqartorluunniit ilinnigaqarnissamat tamatumunnga pisussaajunnaarsinneqarsimappat, najukkami eqqartuussisuugallartussatut ivertinneqarsinnaavoq, tak. § 16, imm. 3.

Najukkami eqqartuussisut § 17, imm. 1 naapertorlugu ivertitaagallarnek nalunaarutigineqarsinnaavoq, atorfiup inuttaqanginnerani imaluunniit aalajangersimasumik eqqartuussisuusup pisinnaanginnerani tamanna pisariaqartinneqalerpat. Utaqqiisaasumik ivertitsineq atorunnaassaaq atorfik inuttaqartinneqanngitsoq inuttalerneqarpat, imaluunniit pisinnaajunnaarnermut pissutaasoq atuukkunnaarpat, tak. § 17, imm. 4, aamma najukkami eqqartuussisut atorfik qaqugukkulluunniit ukiut tallimat sinnerlugit sivissusilimmik utaqqiisaagallartumik inuttaqartinneqarsinnaanngilaq, tak. § 17, imm. 3.

Tamatuma saniatigut eqqartuussivimmi eqqartuussisuusup saniatigut allamik utaqqiisaasumik ivertitsineq nalunaarutigineqarsinnaavoq, tamanna eqqartuussivimmi pissutsinit imaluunniit ilinniagaqarnerumut tunngassutilinnit pisariaqartinneqarpat, tak. § 18, imm. 1. Taamaalilluni najukkami eqqartuussivimmi suliassat amerlassusaasa tamanna pisariaqartippassuk, najukkami eqqartuussisumik qaavatigut ivertitsinissaq aalajangersakkakut tassuuna periarfissaqartinneqarpoq. Najukkami eqqartuussisut utaqqiisaasumik ivertitsineq qaqugukkulluunniit ukiut marluk sinnerlugit atuutinneqarsinnaanngilaq, tak. § 18, imm. 2.

Tamatuma saniatigut eqqartuussisumut ikiortitut ivertitsigallarnek pillugu inatsimmi § 20-mi aalajangersagaqarpoq. Aalajangersagaq taanna naapertorlugu eqqartuussisumut ikiortitut ivertitsigallarnek pisinnaavoq, tamanna atorfiup inuttaarunnerani imaluunniit eqqartuussisuup pisinnaajunnaarnerani pisariaqartinneqarpat, aammalu najukkami eqqartuussisuugallartussamik ivertitsisoqarsinnaasimangippat.

Najukkami eqqartuussisut toqqagaasimasunut najukkamilu utaqqiisaasumik eqqartuussisunut ilinniarsimanissamik piumasagaateqartoq (immikkut akuerineqarluni pisussaaffiujunnaartartumik), eqqartuussisumut ikiortunut ilinniarsimanissamik piumasagaateqanngilaq.

Eqqartuussisumut ikiortinik ivertitsinissamik periarfissaq najukkami eqqartuussisut ilinniarnissaannik piumasagaammut attuumassuteqarpoq. Taamaalilluni § 20-p piareersarnerani paasinarsivoq ilinniarnissamik piumasagaatit pissutigalugit najukkami eqqartuussisut atorfiit piffissani aalajangersimasuni inuttassaqaanngissinnaanerit ersissutigineqarsinnaasoq, suliallu aalajangersimasut annikinnerusut suliallu tuaviuuttariaqartut pisuni taamatut ittuni suliarineqarsinnaanerit qulakkeerniarlugu, eqqartuussisumut ikiortinik ivertitsinissaaneq aalajangersakkakkut periarfissaatinneqarpoq.

Piareersaataasumik sulianit takuneqarsinnaavoq eqqartuussisumut ikiortip inuttut suliamullu atatillugu piginnaasai pingaaruteqartut tassaasut pineqartup kalaallisut qallunaatullu paasisinnaanera, oqalussinnaanera allassinnaaneralu. Tamatuma saniatigut pineqartup eqqartuussiveqarfimmik ilisimasaqareersinnaanera pingartinneqassasoq piumasagaatigineqarpoq, assersuutigalugu najukkami eqqartuussisut, eqqartuusseqaataasut eqqartuussivimmiluunniit allatsit sulereersimanermigut.

Tamatumunnga atatillugu inatsisissatut siunnersuut nr. L 34-imi § 20-mut oqaaseqaatit innersuussutigineqarput (Folketingip ukiuia 2007-08 (ataatsimiinnerit 2-at)).

Kalaallit Nunaanni eqqartuussisarnermik inatsimmi § 20, imm. 4 aamma 5-imi suliat eqqartuussisumut ikiortip ivertinneqarnermini annerusumik suliassarinnaasai allattorneqarput. Suliat pineqartut ilisarnaatigaat suliat annikinnerusut pisariunngitsullu sulialluunniit tuaviuuttariaqartut pineqarmata.

§ 20, imm. 4 naapertorlugu eqqartuussisut ikiortit ataassarsiuinermik suliassanik, pigisanik agguaassinermik suliassanik uppersaasiinermillu suliassanik annerusumik suliassaqaartussanngortinneqarsinnaapput.

Eqqartuussisumut ikiortit, eqqartuussisumut ilinniartitaanermi pinerluttulerinermi suliqaarnermi pinngitsaaliinikkut akuliuttarneq pillugu atuareersimasut, § 20, imm. 5 naapertorlugu makkuninnga aamma suliassaqaarsinnaapput

- illersuisumik, eqqartuussiviup avataaneersumik siunnersortissamik imaluunniit najugarisami ikiortissamik ivertitsinissaq pillugu apeqqutit,
- pinerlineqartumut illersuisussamik ivertitsinissaq pillugu apeqqutit,
- tiggummigallagassanngortitsineq pillugu apeqqutit,
- nalunaarutinik isertuussisussaannermi pinngitsaaliissuteqartarneq, alaatsinaattarneq, timimik misissuisarneq aamma uppersaataatissanik ujarlerfiginnittarneq pillugit apeqqutit, aamma
- paasiniaanermi pinngitsaaliinikkut allatigut akuliuttarneq pillugu apeqqutit.

Eqqartuussisumut ikiortimik eqqartuussivimmi ataatsimi ivertitsineq § 20, imm. 6 naapertorlugu sivisunerpaamik ukiunut katillugit pingasunut atuussinnaavoq.

### *2.2.3. Akiliisitsiniaanermik suliat aalajangersimasut suliarinerat pillugu immikkut*

Kalaallit Nunaanni eqqartuussisarnermik inatsimmi immikkoortoq VIII pinngitsaaliissummik naammassinninneq pillugu aalajangersakkanik imaqarpoq.

Inatsimmi § 597, imm. 1 malillugu pisuni arlaqaqisuni inuinnaat aningaasatigut piumasaqaataannik najukkami eqqartuussivik naammassinninniartussaataavoq. Ilaatigut pineqarput Kalaallit Nunaanni eqqartuussivinni eqqartuussutigineqartut tunngavigalugit pinngitsaaliissummik naammassititsinerit, tak. Kalaallit Nunaanni eqqartuussisarnermik inatsimmi § 598, imm. 1, nr. 1.

Inatsimmi kapitali 22-mi akiliisitsiniaanermik sulianik suliaqarnermut tunngasumi, aningaasatigut piumasaqaatit pillugit suliassat immikkut eqaatsumik suliarinissaat pillugu aalajangersagaqarpoq, tassani suliassiissuteqartup pinngitsaaliissummik naammassinninniaanissaq siunertaralugu suliassanngortitsissummi taasinnaavaa ilimagineqanngitsoq suliassanngortitaq piumasaqaammut akerliliissuteqassasoq imaluunniit akisilluni piumasaqaammik atuutsitsiniaassasoq.

Taamaasilluni akiliisitsiniaanermik ingerlatsinermi aningaasatigut piumasaqaatinik akiliisitsiniaanermik suliat akerleriissutigineqanngitsut tamarmik ilaapput, tamatumani akiliiffigineqartussap kissaatigalugu eqqartuussinerup kinguninngua pinngitsaaliissummik naammassinnittoqassasoq. Taamaalilluni suliani taakkunani saqitsaanermik eqqartuussisoqartarpoq, eqqartuussutillu oqaatigineqarnerata malitsigisaanik ataani allaaserineqarsimasutut eqqartuussummik naammassinninneq pisarluni.

Kalaallit Nunaanni eqqartuussisarnermik inatsimmi § 264 malillugu suliassanngortitsissumik eqqartuussivimmut, suliassanngortitap eqqartuussisoqarfigisaanut tunniussinikkut suliassanngortitsisoqassaaq.

Inatsimmi § 265 imm. 1 malillugu suliassanngortitsissut suliassanngortitamut nalunaarutigineqartassaaq. Nalunaarutiginninnermut peqatigitillugu akissuteqaatit allakkiornissamut allaffissaq tunniunneqartassaaq, ilitsersuutigineqarlunilu suliassanngortitaq piffissaliussatut taasap qaangiutinnerani qanoq iliuuseqassanersoq suliassami nammineq soqutigisani isumaginiarlugit.

Nalunaarutiginninnermi suliassanngortitaq akiliisitsisarnermut eqqartuussivimmukaqquneqassaaq ("eqqissitsinissamik malittarisassatut" taasaaq tunngavigalugu akiliisitsiniarnermik suliaq itigartinneqanngippat), suliassanngortitarlu peqquneqassaaq eqqartuussiviup piffissaliussaa qaangiutsinnagu akissuteqaatit allakkiamik tunniussaqqassasoq, tak. § 265, imm. 2.

Suliassanngortitaq piffissarittitaasoq qaangiutsinnagu akissuteqaatitut allakkiamik eqqartuussivimmu tunniussaqqanngippat, eqqartuussivik § 266, imm. 1, oqaaseqatigiit siullit naapertorlugit najuutinngitsoornermi eqqartuussuteqassaaq suliassiisup piumasqaataa malillugu, suliassanngortitsissummi oqaatigineqarsimasuni tunngavilersorneqarsimasorineqartut annertussusulimmik. Suliassanngortitaq suliassami naammaginatsum akissutitut allakkiorsinnaasorineqanngippat, oqaatsitigut piareersaataasumik ataatsimiinnissamut aggersarneqassaaq, tak. § 266, imm. 1, oqaaseqatigiit aappaat.

Najukkami eqqartuussivik najuutinngitsoornermi eqqartuussuteqarpat, eqqartuussutip assilinqarneranik eqqartuussivik illuatungeriinnut nassiussissaaq. Aamma taamatut ippoq § 266, imm. 1, oqaaseqatigiit aappaanni piareersaataasumik ataatsimiinnermi nassuortoqarnerani eqqartuussuteqarnermi.

Tamatuma kingorna suliassiisup piumasqaataa pinngitsaaliissummik naammassitinneqarsinnaavoq, tamanna immikkut noqqaassutigineqanngikkaluortoq, eqqartuussullu ingerlaannartumik naammassitinneqarluni, eqqartuussummi allamik aalajangiisoqarsimanngippat. Tamanna § 266, imm. 2-p malitsigaa.

Najukkami eqqartuussivik najuutinngitsoornermi eqqartuussuteqanngippat imaluunniit nassuortoqarnermi eqqartuussuteqarani, saqitsaannermik suliat suliarineqarnissaat pillugu malittarisassat nalinginnaasut malillugit suliaq eqqartuussivimmi suliarineqaaqqissaaq, tak. § 266, imm. 3.

Suliassanngortitsissut akiliisitsiniarnermik suleriaatsit qulaani allaaserineqartut malillugit eqqartuussinermik kinguneqartoq, piumasqaatit arlaqartut tulleriinnilersuinerit aalajangersarnerisigut pinngitsaaliinikkut naammassinninniaanissamik noqqaassuteqarnermut § 267 malillugu naligitinneqassaaq.

Kapitali 22-mi akiliisitsiniarnermik suliat pillugit malittarisassanik malitassaqqanngippat, saqitsaannermik suliat suliarineqartarnerat pillugu malittarisassat nalinginnaasut malinneqassapput, pinngitsaaliissummik naammassinninniaaneq ilanngullugu, tak. § 263, oqaaseqatigiit aappaat. Taamaalluni akiliisitsiniarnermik suleriaatsimut kapitali 22 tamanut malittarisassanik imaqarpoq, aalajangersakkanili taakkunani malittarisassanik immikkut ittunik aalajangersaasoqarsimatinnagu, Kalaallit Nunaanni eqqartuussisarnermik inatsimmi saqitsaannermik suliat akiliisitsiniarnermillu suliat suliarineqartarnissaannut malittarisassat nalinginnaasut atorineqassapput.

### **3. Najukkami eqqartuussivinni sulianik suliarinninnermi naammassisinnaasat**

#### *3.1. Kalaallit Nunaanni Eqqartuussiveqarnek pillugu Isumalioqatigiissitat isumaliutaat*

Qulaani imm. 2.1.3-p ataani takuneqarsinnaasutut Kalaallit Nunaanni eqqartuussiveqarfinnik aaqquussineq 1. januar 2013-imi atuutilersumik allanngortinneqarpoq, taamaasilluni

eqqartuussiveqarfiit siusinnerusukkut 18-iusimasut eqqartuussiveqarfinnik nutaanik sisamanik, Kalaallit Nunaanni kommunit maanna killeqarfii aallaavigalugit aalajangersarneqartunik taarserneqarlutik.

Inatsisissatut siunnersuut eqqartuussiveqarfinnik allannguinnermut tunuliaqutaasoq pillugu tusarniaanermut akissummi Nunatta Eqqartuussisuuneqarfiata aamma Kalaallit Nunaanni Eqqartuussiviup oqaatigaat, najukkani eqqartuussisut aalajangersimasumik atorfillit pisariaqartinneqartumik amerlassuseqartut, eqqartuussisutullu immikkut ittumik ilinniartitaanermik ingerlataqarsimasut sulisussarsiariniarnerat ajornakusoorluinnartuusoq, najukkamimi eqqartuussisunngorsinnaasut ikittuinnaammata tulluanngitsumillu suliaqareertarlutik.

Tamatuma kingorna tusarniaanermut akissut tunuliaqutaralugu Inatsisunik Atortitsinnermut Ministereqarfiup Kalaallit Nunaanni Eqqartuussiveqarneq pillugu Isumalioqatigiissitat qinnuigai, eqqartuussiveqarfinnik aaqquissuussinnermi nutaami misilittakkat tunngavigalugit isumaliutigeqqullugu, sulisussarsiornermik ajornartorsiutit taaneqartut isumalioqatigiissitat isumaa naapertorlugi suliniutinik allanik tunngavissaqartitsissanersut, taamaassappallu suliniutit suut tikkuarneqarsinnaanersut.

Tamanna tunuliaqutaralugu Kalaallit Nunaanni Eqqartuussiveqarneq pillugu Isumalioqatigiissitat apeqqut erseqqinnerusumik isumaliutigaat. Tamatumunnga atatillugu isumalioqatigiissitat oqaatigaat Kalaallit Nunaanni najukkani eqqartuussivinni ajornartorsiutit immikkoortunut marlunnut avinneqarsinnaasut:

- a) sulianik tiguneqarneri ilutigalugit ataavartumik suliarinninniarnermut ajornartorsiutit,
- b) suliata qaleriiaatiinnalersut ikilisarniarannut ajornartorsiutit.

Najukkani eqqartuussivinni suliata ingerlasut amerlalluinnartut uninngaannartut takuneqarsinnaavoq, najukkamilu eqqartuussisut ilaqutariinnermut inatsisinut tunngasunik suliamik saniatigut saqitsaanermik sulianik allanik suliaqarnissamut piffissaqarpiangitsut, soorlu aamma inuinnarnut inatsit suliassaqarfinnut assigiinngiaartorpassuarnut tunngasuummata, inuinnaat saqitsaanermik suliassiissutaannik kissaatiginartut pitsaassusilimmik aalajangiisinnaanermut najukkani eqqartuussisut piginnaasaqanngitsut.

Tamanna tunuliaqutaralugu suliassat qaleriiaatiinnalersut qaninnerusumut ungasinnerusumulluunniit isigaluni amerliartorunnaarnissaannut ikiliartulernissaannullu najukkamilu eqqartuussivinni sulianik suliarinninnermut piffissap sivikillineranut tapertaasinnaasunik isumalioqatigiissitat arlalinnik kaammattuuteqarput.

Ilanngullugu isumalioqatigiissitat kaammattuutigaat, inuit inatsisilerinnermik bacheloritut soraarummeersimasut, Kalaallit Nunaanni eqqartuussisarnermik inatsimmi § 12, imm. 2-mi ilinniartitaanissamut piumasaqaammik immikkut akuersissuteqarnikkut



pisussaajunnaartinneqarnermikkut najukkami eqqartuussisutut toqqarneqarsinnaassasut, pineqartup tamatumunnga piumasagaatit sinneri eqqortissinnaappagit, (imm. 4.1 ataaniittoq).

Tamatuma saniatigut suliniutit sisamat, Kalaallit Nunaanni eqqartuussisarnermik inatsisip allanngortinneqarnissaanik pisariaqarfiusut ingerlanneqarnissaanik isumalioqatigiissitat kaammattuuteqarput. Tamatumani pinqarput

- 1) Pingaartumik suliassat ilaqutariinnermut inatsisinut tunngasut, ataatassarsiuussinermik suliassat pigisanillu agguassinermik suliassat eqqaassanngikkaanni, inuinnaat saqitsaannerannik suliassani tamani Kalaallit Nunaanni Eqqartuussivik siullermeeriffiusumik pinngitsoornani suliassinneqartussaassasoq (imm. 4.2 ataaniittoq),
- 2) siusinnerusukkut najukkami eqqartuussisuusimasunik il.il. ivertisigallarsinnaanermut periarfissat annertusillugit (imm. 4.3 ataaniittoq),
- 3) eqqartuussisunut ikiortit atornissaannut periarfissat annertusillugit (imm. 4.4 ataaniittoq) aamma
- 4) ilaatigut danskit eqqartuussiviini intsisilerituunik inuttaqartumik suleqatigiinnik suliassanik suliarinnittussanik pilersitsineq, taakku najukkani eqqartuussivinni suliassat qaleriaatiinnalersut ikilinissaannut ikiuutissallutik ( imm. 3.2. aamma 4.5 ataaniittut).

### *3.2. Suleqatigiinnik suliassanik suliarinnittussanik pilersitsinermut aningaasaliissutit*

Kaammattuut nr. 4 malillugu suleqatigiinnik suliassanik suliarinnittussanik ilaatigut danskit eqqartuussiviini inatsilerituunik inuttaqarnik pilersitsinissamut 20 mio. kr.-t immikkoortinneqassasut november 2013-imi aalajangerneqarpoq, Kalaallit Nunaanni najukkani eqqartuussivinni saqitsaannermik suliassat pinerluttulerinermillu suliassat ikilisarneqarnissaat siunertaalluni, suliassat piffissaliussami naammaginantumi suliarineqarsinnaasunngorlugit.

Tamaalilluni sulisut eqqartuussivinnilu inatsilerituut danskit illoqarfiini eqqartuussivinnersut ilaatigut ikiortigalugit najukkani eqqartuussivinnik ikiuinissaq pisariaqartutut isigineqarpoq, tamanna pisinnaavoq suleqatigiinnik suliassanik suliarinnittussanik pilersitsinikkut, suleqatigiillu Kalaallit Nunaannut aallartinneqassapput, piffissani annertuumik suliassaqarfiusumi, suliassat siumoortumik toqqartukkat, inatsilerituunit danskiusunit najukkami pissutsinik kalaallillu oqaasiinik siumoortumik ilisimasaqanngitsunit suliarineqarnissamut tulluuttut suliarissallugit.

Immikkut ittumik suliniuteqarnissamut tamatumunnga 2014-imi 5 mio. kr.-t, 2015-imi 8 mio. kr.-t 2016-imilu 7 mio. kr.-t immikkoortinneqarput.

Suleqatigiinnik suliassanik suliarinnittussanik pineqartunik pilersitsinissamut piumasagaataavoq, Kalaallit Nunaanni eqqartuussisarnermut inatsit naapertorlugu danskit eqqartuussiviini inatsilerituut najukkani eqqartuussisutut ivertinneqarallarsinnaanissaat (imm. 4.5 ataaniittoq).

#### **4. Inatsisunik Atortitsinnermut ministereqarfiup isumaliutai**

Qulaani imm. 3-p ataani takuneqarsinnaasut Kalaallit Nunaanni najukkani eqqartuussivinni suliassat qaleriiaatiinnalersut amerliartorunnaarnissaat ikiliartulernissaallu najukkamilu eqqartuussivinni sulianik sularinninnermut piffissap sivikillinerulersinnissaa pisariaqartinneqarluinnarpoq.

Najukkani eqqartuussivinni suliassat qaleriiaatiinnalersut ikilisarnissaat siunertaralugu suliniutinik angusaqarfiulluartunik aallartitsisoqarnissaa, Kalaallit Nunaannilu eqqartuussivinni suliassat ungasinnerusumut isigaluni piffissami naammaginatuni pisariaqartinneqartumillu pitsaassuseqartumik sularineqarsinnaanissaasa qulakkeerneqarnissaat Inatsisunik Atortitsinnermut Ministereqarfimmit pisariaqartutut isumaqarfigineqarpoq.

Tamanna tunuliaqutaralugu Inatsisunik Atortitsinnermut Ministereqarfiup Kalaallit Nunaanni Eqqartuussiveqarfik pillugu Isumalioqatigiissitap kaammattuutai isumaqatigisinnaavai. Taamaalilluni isumalioqatigiissitap kaammattuutaasa piviusunngortinnissaannut Kalaallit Nunaanni eqqartuussisarnermik inatsimmik allannguutissatut pisariaqartut iliuuseqarfiginissaat inatsisissatut siunnersuummi siunniussaavoq.

Tamatumunnga atatillugu danskit eqqartuussivinni inatsilerituujusut Kalaallit Nunaanni najukkani eqqartuussivinni najukkami eqqartuussisutut ivertitaagallarsinnaanissaannut Kalaallit Nunaanni eqqartuussisarnermut inatsimmi pisariaqartitamik inatsisitigut tunngavissiinissaq siunnersuummi siunniunneqarpoq.

##### *4.1. Inunnik inatsisilerinermik bacheloritut soraarummeersimasunik najukkami eqqartuussisutut ivertitsineq*

Kalaallit Nunaanni Eqqartuussivimmi eqqartuussisup oqaatigaa kalaallini inuiaqatigiinni fuldmægtigitut atorfinnut (kandidatiinnaanngitsunik) bacheloritut ilinniarsimasunik atorfinitsitsisarneq annertuumik atugaasoq.

Aammattaaq Inatsisunik Atortitsinnermut Ministereqarfik isumaqarpoq, inatsisilerinermik bacheloritut soraarummeersimaneq najukkami eqqartuussisumut immikkut ittumik ilinniartitaanermut pissutsit aallaavigalugit taarsiullugu atorneqarsinnaasoq.

Najukkami eqqartuussisutut toqqaaneq aallaavittut aatsaat pisinnaavoq pineqartup najukkami eqqartuussisutut atorfimmut piukkussatut atorfinitsitaanermi kingorna eqqartuussisumut immikkut ittumik ilinniartitaaneq naammassereerpagu, tak. imm. 2.2.1.3.

Eqqartuussisutulli ilinniartitaanermik piunasaqaat pisuni immikkut ittuni avaqunneqarsinnaavoq, assersuutigalugu pineqartup inatsisilerinermik atorfilinniatut soraarummeerneq angusiffigisimappagu.

Inuup inatsilerinermik bacheloritut soraarummeersimasup kredsdommeritut toqqagaanissamut ilinniartitaanissamut piumasaqaammik immikkut akuersissuteqarnikkut najukkami eqqartuussisutut toqqagaanissaanut Kalaallit Nunaanni eqqartuussisarnermik inatsimmi § 12, imm. 2 malillugu tamatumunngaluunniit piareersaataasumik suliani aporfissaqanngilaq. Taamaalilluni pineqartup ilinniagaqarnermigut najukkami eqqartuussisumut ilinniagaqarnissamik piumasaqaatit assigisaannik inatsilerinermik piginnaasaqalersimasutut isigineqarsinnaanera aalajangiisuvoq.

Tamatuma kingorna inuup inatsilerinermik bacheloritut soraarummeersimasup aalajangersumik nalileereernerup kingorna najukkami eqqartuussisutut toqqagaasinnaanera siunnersuummi tungavissaavoq, pineqartoq eqqartuussisutut ilinniartitaanissamik piumasaqaammut pisussaajunnaartitaasimapput, saniatigullu najukkami eqqartuussisutut toqqagaanissamut piumasaqaatit pineqartup eqqortissimappagit.

Najukkami eqqartuussisunik toqqaanermi pineqartup eqqartuussiveqarfimmi najukkami pissutsinik ilisimasaqarnerata pingaartinneqarnissaanik piumasaqaateqarnerup kingunerissagunarpaq. Inatsilerinermik bachelorit kalaallisut oqalussinnaasut kisimik najukkami eqqartuussisutut piukkunneqartarnissaat.

#### *4.2. Saqitsaannermik sulianik arlaqartunik najukkani eqqartuussivinniit Kalaallit Nunaanni Eqqartuussivimmu nuussineq*

Qulaani taaneqareersutut najukkani eqqartuussivinni suliassat qaleriaatiinnalersut ikilisarneqarnissaasa qulakkeerneqarnissaa, Kalaalli Nunaannilu eqqartuussivinni suliat ungasinnerusumut isigaluni piffissami naammaginatsumik sivissusilimmi naammaginatsumillu pitsaassusilimmik suliarineqartarnissaat Inatsisinik Atortitsinerumt Ministereqarfiup pisariaqartutut isigaa.

Tamanna tunuliaqutaralugu siunnersuutigineqarpoq eqqartuussiviit suliassaasa piginnaatinneqarfiisalu ilaat, tak. Kalaallit Nunaanni eqqartuussisarnermut inatsimmi § 54, ullumikkut najukkani eqqartuussivinni siullermeeriffiusumik suliarineqartartut, Kalaallit Nunaanni Eqartuussivimmi siullermeeriffiusumi siunissami suliarineqartassasut.

Suliat najukkani eqqartuussivinnit attatiinnarneqartussat siunnersuutigineqartut makkuupput

- pinerlunnermik suliassat, tak. § 54, nr. 2,
- pigisanik agguaassineramik suliassat, tak. § 54, nr. 3,
- nammineersinnaasusiiiaanerit aammalu pigisat tungaasigut siunnersortissaliineq pillugu suliassat, tak. § 54, nr. 4,
- ataataassarsiuussineramik suliassat, tak. § 54, nr. 5,
- aappariinnermik aamma angajoqqaatut oqartussaassuseqarnermik suliassat, tak. § 54, nr. 6,
- uppernarsaasiinerit, tak. § 54, nr. 11,
- imarsiornermut tungasunik nassuiaanerit, tak. § 54, nr. 12.

Suliassat najukkani eqqartuussivinniit Kalaallit Nunaanni Eqqartuussivimmut nuunneqartussatut siunnersuutigineqartut makkuupput

- saqitsaanermik suliassat, tak. § 54, nr. 1,
- eqqartuussinertaqanngitsumik aalajangiinikkut kiffaanngissusiiiaanernik misiliineq pillugu suliassat, tak. § 54, nr. 7,
- akuersisitsinertaqanngitsumik qitornavissartaartitsinissamik aalajangernernik misiliineq pillugu suliassat, tak. § 54, nr. 8,
- inerteqqutit, pisinnaatitaaffinnik takussaangitsunik innarliisoqarsimatillugu allakkanik qulakkeerineq, arsaarinnikkallernerit, pinngitsaaliissummik tuniniaanerit pillugit suliassat aamma eqqartuussutininik naammassinninniaanerup tungaatigut suliassanik misiliineq, tak. § 54, nr. 9,
- nalunaarsuineq (eqqartuussivikkoortumik), tak. § 54, nr. 10,
- misissuisartussanik naliliisartussanillu eqqartuussiviit sulinerisa avataatigut toqqaaneq, tamanna naalagaaffiup sinniisaanit isumagineqarsinnaanngikkaangat, tak. § 54, nr. 13,
- uppernarsaatissanik katersuineq, suliassani eqqartuussivimmi ingerlanneqartuni atugassaangippata, tak. § 54, nr. 14, aamma
- suliassat allat, inatsisit naapertorlugit eqqartuussivinnut suliassanngortitat, tak. § 54, nr. 15.

Mianerisassat imminnut akerleriissut nalilersorneqarsimanerannik siunnersuut takussutissaavoq.

Kalaallit Nunaanni eqqartuussisarnermi aqqissuussinermi qanittumiinnissamik tunngaveqarneq maannamut ilisarnaataavoq, taamatut tunngaveqarnikkut Kalaallit Nunaanni innuttaasut eqqartuussivinnut sapinngisamik pisariitsumik ornikkuminartumillu ornigussinnaanissaat qulakkeerneqarluni. Nunap pissutaata immikkuullarissusiata kinguneranik qanittumiinnissamik tunngaveqarneq immikkut ittumik pingaaruteqalerpoq, innuttaasut eqqartuussivinnut annguniarlutik tulluutinngitsumik ungasissumut angalanissaasa pinngitsoortinnissaat siunertaralugu. Peqatigisaanillu isorartussuseq il.il. pissutigalugit qanittumiinnissamik tunngaveqarneq Kalaallit Nunaanni sumi tamarmi tamakkiisumik atuutsinneqalersinnaanngilaq.

Inatsisinik Atortitsinermut Ministereqarfik isumaqarpoq, innuttaasut eqqartuussivinnut pisariitsumik anngussinnaamerat ingerlaqqittumik qulakkeersinnaajumallugu, qanittumiinnissamik tunngaveqarneq sapinngisamik annertunerpaamik attatiinnarniarneqartariaqartoq. Kalaallit Nunaannilu eqqartuussiveqarfiup maanna aaqqissuussaannikkut sulisussarsiniarnermini sulisunillu attassiinnarnerniarmini ajornartorsiutit annertoqisut peqatigisaanik nalaatarissallugit. Tamatuma qaavatigut Kalaallit Nunaanni inuiaqatigiit sukkaqisumik ineriartorsimapput, sulilu taamatut ineriartorlutik, taamaanneratalu annertunerusunik pisariunerusunillu inatsiseqarnissaq pisariaqartippaa, soorunalumi innuttaasut eqqartuussivimmi sukkasuumik, piginnaasaqarfiusumik, sulihamullu atatillugu annertuumik pitsaassusilimmik sullinneqartuarsinnaanerit qulakkeersinnaajumallugu,

taamaannera Kalaallit Nunaanni eqqartuussiveqarfimmut annertunerusunik piumasaaqateqartitsivoq.

Qulaani imm. 3.1-ip ataani taaneqartutut suliat ingerlasut, suliarineqaratik najukani eqqartuussivinniittut amerlalluinnartut Kalaallit Nunaanni Eqqartuussiveqarneq pillugu Isumalioqatigiissitat oqaatigaat, najukkamilu eqqartuussisut ilaqutariinnermut inatsisinut tunngasunik suliamik saniatigut saqitsaannermik sulianik allanik suliaqarnissamut piffissaqarpiangitsut, soorlu aamma inuinnarnut inatsit suliassaqarfimmut assigiinngiaartorpassuarnut tunngasuummata, inuinnaat saqitsaannermik suliassiissutaannik kissaatiginartutut pitsaassusilimmik aalajangiisinnaanermut najukkani eqqartuussisut piginnaasaqanngitsut oqaatigalugu.

Ataatsimoortumik nalilersuineernerup kingorna, pingaartumik suliassat ilaqutariinnermut inatsisinut tunngasut, ataatassarsiuussinermik suliassat pigisanillu agguaassinermik suliassat eqqaassanngikkaanni, inuinnaat saqitsaannerannik suliassani tamani Kalaallit Nunaanni Eqqartuussivik siullermeeriffiusumik pinngitsoornani suliassinneqartussaassanerannik Kalaallit Nunaanni Eqqartuussiveqarneq pillugu Isumalioqatigiissitani amerlanerussuteqartut kaammattuutaat Inatsisinik Atortitsinermut Ministereqarfiup isumaqatigisinnaavaa.

Siunissami suliassanngortussat Kalaallit Nunaanni Eqqartuussivimmut saqqummiunneqarsinnaanerat kisiat siunnersuutip kingunerissanngilaa. Sulialli ingerlasut, ullumikkut najukkani eqqartuussivinni suliarineqaratik uninngaannalersut (suliat qaleriaatiinnalersut), Kalaallit Nunaannilu Eqqartuussiviup siunissami najukkami suliassaqarfigiligassaasa, Kalaallit Nunaanni Eqqartuussivimmut nuunneqarnissaat tassanilu suliarineqarnissaat kingunerissavaa. Sulialli najukkani eqqartuussivinni pissusiviusutigut suliarineqarsimanngitsut kisimik pineqarput. Taamaalilluni suliat, inatsip atuutilernerani najukkami eqqartuussivimmi pissusiviusutigut suliarineqalersimasut, tassani naammassillugit suliarineqartussaassapput, aamma suliat pissutsimikkut Kalaallit Nunaanni Eqqartuussiviup siunissami najukkami piginnaaffissaanut atagaluarpata.

Inatsisinik Atortitsinermut Ministereqarfiup maluginiarpaa Kalaallit Nunaanni Eqqartuussivimmi eqqartuussisup siunnersuut isumaqatigigaa, oqaatigalugulu suliat taakku suliarinissaannut akuersinissamut Kalaallit Nunaanni Eqqartuussivik piginnaasaqartoq, tamatumunngali atatillugu imm. 4.5 ataniittoq peqatigisaanik innersuussutigineqassaaq.

Tamatuma kingorna najukkani eqqartuussiviit sallertut suliassarilissavaat pinerlunermik suliassat, ilaqutariinnermut inatsisinut tunngasunik suliassat, ataatassarsiuussinermik suliassat kiisalu pigisanik agguaassinermik suliassat siullermeeriffiusumik suliarinissaat.

Suliassat immikkut pisariusut, suliassat tunngavissiisussat suliassalluunniit annertuumik akuliuffiusussat najukkani eqqartuussiviit suli Kalaallit Nunaanni eqqartuussisarnermik inatsimmi § 56 naapertorlugi Kalaallit Nunaanni Eqqartuussivimmut innersuussinnaassavai, taannalu allanngortinneqassanngitsoq siunnersuutigineqarpoq.

Suliassat suliamut tunngatillugu pisariaqartinneqartumik pitsaassusilimmik sulianillu suliarinninnermut piffissap naammaginartup iluani suliarineqartarnissaasa ungasinnerusumut isigaluni qulakkeernissaannut, suliassanik najukkani eqqartuussiviit aamma Kalaallit Nunaanni Eqqartuussiviup akornanni agguaassineq tapertaassasoq Inatsisinik Atortitsinnermut Ministereqarfik isumaqarpoq.

Kalaallit Nunaanni Eqqartuussiviup najukkani eqqartuussiviit eqqartuussisarfiini pisariaqartillugu sulisinneqartarneratigut, qanittumiinnissamik tunngaveqarneq naammattumik illersorneqassasoq Inatsisinik Atortitsinnermut Ministereqarfik isumaqarpoq, tak. Kalaallit Nunaanni eqqartuussisarnermik inatsimmi § 6, imm. 1, soorlu aamma ungasissumut attaveqaatinik videokkut ataatsimeeqatigiissutitut il.il. ittunik, Kalaallit Nunaanni eqqartuussiveqarfiup aaqqissuussaananerata 2010-imi iluarsartuuteqqinneranut atatillugu annerusumik atorneqarnissaannik siunniunneqartutut atuinerulerneq, eqqartuussivimmi suliarinninnerup naleqquttuunissaata eqaatsuunissaatalu qulakkeernissaanut tapertaassaaq, tamatumani Kalaallit Nunaanni nunap pissusia immikkut ittoq, isorartussutsit, piffissaq angalanermut atorneqartoq il.il. mianerineqarmata.

Kalaallit Nunaanni saqitsaannermik suliat tamarmiusut amerlanersaat najukkani eqqartuussivimmut – Kalaallit Nunaanni Eqqartuussivik assigalugu – Nuummi pingaarnertut eqqartuussisarfeqartumut suliassiissutigineqartartut Kalaallit Nunaanni Eqqartuussiveqarneq pillugu Isumalioqatigiissitat oqaatigimmassuk Inatsisinik Atortitsinnermut Ministereqarfiup tamatumunnga atatillugu maluginiarpa.

Taamaalilluni qanittumiinnissamik tunngaveqarnermut atatillugu siunnersuut suliat amerlaqisut amerlanersaannut sunniuteqassanngilaq.

Ilanngullugulu oqaatigineqarpoq eqqartuussinermik suliame Kalaallit Nunaanni Eqqartuussivimmut atasumi saqitsaannermik suliassami illuatungeriit Kalaallit Nunaanni eqqartuussisarnermik inatsimmi § 202-mi malittarisassaq malillugu eqqartuussinerup najukkani eqqartuussivimmi suliarineqarnissaa isumaqatigiissutigisinnaagaat.

*4.3. Najukkani eqqartuussisuusimasunik il.il. ivertitsigallarnissamut periarfissaqarnerulerneq*

Aammattaaq Kalaallit Nunaanni eqqartuussisarnermik inatsimmi § 747-imi ikaarsaariarnermut aaqqissuussinerup annertusineqalaarnissaa inatsisissatut siunnersuutikkut siunniussaavoq, inuit najukkani siusinnerusukkut eqqartuussisuusimasut 1. januar 2016 tikikkulugu ivertitaagallarsinnaanerata periarfissaalermat.

Qulaani imm. 2.2.2.1-ip ataani taaneqartutut, inuit ikaarsaariarnermut aaqqissuussineq 1. januar 2010-imi atuutilersoq sioqqullugu najukkani eqqartuussisutut sulisimasut kisimik ivertinneqarallarsinnaanerata aalajangersakkakkut periarfissaalersinneqarpoq.

Siunnersuutip kinguneranik inuit najukkami siusinnerusukkut eqqartuussisuusimasut ivertinneqarallarsinnaanerat ammaanqarpoq, pineqartoq piffissami 1. januar 2010 tikillugu najukkami eqqartuussisutut sulisimanngikkaluarpuunniit.

Peqatigisaanillu siunnersuutigineqarpoq ikaarsaariarnermut aqqissuussineq suli ukiunik marlunnik sivitsorneqassasoq, 1. januar 2018 tikillugu atuutissalluni.

Siunnersuutit Kalaallit Nunaanni Eqqartuussiveqarneq pillugu Isumalioqatigiissitat kaammaattuutaannut naapertuupput.

Inatsisinik Atortitsineranut Ministereqarfiup maluginiarpaa Kalaallit Nunaanni Eqqartuussivimmi eqqartuussisoq maannamutut ililluni ikaarsaariarnermut aqqissuussineq malillugu najukkami eqqartuussisunik ivertitsigallarnissamut piginnaatitaasoq. Aqqissuussinerup annertusineqarnissaanik siunnersuummi piumasaqaataavoq, Kalaallit Nunaanni Eqqartuussivimmi eqqartuussisup najukkami eqqartuussisuusimasumik utaqqiisaasumik ivertitsinnginnermini, pineqartup pisariaqartitamik ilinniartitaanermigut aqqissuussineq naapertorlugu najukkami eqqartuussisutut utaqqiisaasumik sulisuusut piginnaasaasa assigisaannik piginnaasaqarnissaa piginnaasaqalernissaaluunniit nakkutigissavaa.

Najukkami eqqartuussisunik aalajangersimasumik atorfilinnik, eqqartuussisumut ilinniartitaanermik immikkut ittumik ingerlataqareersimasunik sulisussarsiornerup suli ajornakusoornerujussua aallaavigalugu siunnersuut isiginiarneqassaaq, tak. qulaani imm. 3.1-ip ataani.

Aqqissuussineq malillugu najukkami eqqartuussisumik ivertitsigallarnissamut maannamutut ililluni suli piumasaqaataavoq pineqartup tusaamanerlugaannginnissaa, kommunalbestyrelsimullu qinigaasinnaanermut piumasaqaatinik eqqortitsisimanissaa.

Ikaarsaariarnermut aqqissuussinerup annertusinissaata saniatigut inuup qanoq sivistutigisumik najukkami eqqartuussisutut utaqqiisaasumik ivertitaasimasinnaaneranut piffissaliussat allanngortinneqassasut siunnersuutigineqarpoq. Taamaalilluni Kalaallit Nunaanni eqqartuussisarnermik inatsimmi § 17, imm. 3 malillugu najukkami eqqartuussisutut atorfiup inuttaqartissinnaaneranut piffissaliussaq ukiunit 5-niit 8-nut sivitsorneqassasoq siunnersuutigineqarpoq.

Aammattaaq inatsimmi § 18, imm. 2 malillugu najukkami eqqartuussivimmi eqqartuussisuusup saniatigut allamik utaqqiisaasumik ivertitsinerup qanoq sivistutigisumik atuutinneqarsinnaaneranut piffissaliussaq ukiunit 2-nit ukiunut 5-nut sivitsorneqassasoq siunnersuutigineqarpoq.

Inuk 1.januar 2010-mi atuutilersitsinermiilli najukkami eqqartuussisutut utaqqiisaasumik ivertitaasimasooq, annertusisitsinissamik siunnersuutit atorlugit najukkami utaqqiisaasumik eqqartuussisutut 1. januar 2018 tikillugu sulisinnaavoq.

Aammattaaq inuup najukkami eqqartuussivimmi suliassat annertussusaat pissutigalugu najukkami eqqartuussivimmi eqqartuussisutut saniatigut ivertitaagallarsimasup, sulini ukiuni 5-ni ingerlateqqiinnarsinnaassavaa (ullumikkut ukiut 2-innaasut), najukkami eqqartuussivimmi suliassat qaleriiaatiinnarlarsut amerliartorunnaarnissaat ikilisarnissaallu kiisalu sulianik suliarinninnerup sivikinnerulernissaa anguniarlugit.

Taamatut iliornikkut najukkami eqqartuussiviup utaqqiisaasumik eqqartuussisoq (maanna) misilittagaqalersimasoq suli ukiuni 3-ni sulisoriinnarsinnaalissavaa. Inatsisinik Atortitsinermut Ministereqarfik isumaqarpoq nutaamik misilittagaqannginnerusumillu najukkami eqqartuussisutut utaqqiisaasumik ivertitsinermit, malittarisassani taamatut periarfissaqarneq siunertamut naapertuunnerusoq.

Suliassat ingerlasut ullumikkut najukkami eqqartuussivinni uninngaannartut amerlanerujussuat eqqarsaatigigaanni, Inatsisisinik Atortitsinermut Ministereqarfik isumaqarpoq najukkami eqqartuussisunik utaqqiisaasumik atuinissamut periarfissat atuuttut annertusisariaqartut. Peqatigisaanillu najukkami eqqartuussisumik aalajangersimasumik atorfilimmik, ilinniarsimasumik toqqaasoqartillugu utaqqiisaasumik ivertitsinerup atorunnaarsinnissaanik maanna aalajangersagaasut attatiinnarneqassapput, tak. Kalaallit Nunaanni eqqartuussisarnermut inatsimmi § 17, imm. 4, aamma § 747, imm. 2.

Piffissaliussamik sivitsuinissamik siunnersuutit Kalaallit Nunaanni Eqqartuussiveqarneq pillugu Isumalioqatigiissitat kaammattuutaannut napertuupput.

#### *4.4. Eqqartuussisumut ikiortit atornissaannut periarfissat annertusinerat*

Eqqartuussisumut ikiortinik utaqqiisaasumik atuneq pingaartumik najukkami eqqartuussisunut aalajangersimasumik atorfeqartunut, piffissap ilaani oqilisaanneqarnissamik pisariaqartitsisunut annertuumik pingaaruteqarpoq, najukkami eqqartuussivik pineqartoq inuttaqanngitsunik atorfiuteqarpat, najukkamilu eqqartuussisumik utaqqiisaasumik ivertitsinissaq ajornarsimappat.

Taamaalilluni suliat aalajangersimasut minnerusut sulialluunniit tuaviuuttariaqartut pisuni taamatut ittuni suliarineqarsinnaanerisa qulakkeernissaat eqqartuussisumut ikiortimik utaqqiisaasumik atorfinitsitsisinnaanermi siunertaavoq.

Inuup najukkami eqqartuussivimmi ataatsimi eqqartuussisumut ikiortit qanoq sivistutisumik ivertitaagallarsimasinnaaneranut piffissaliussa ukiunit 3-nit ukiunut 6-nut sivitsorneqassasoq siunnersuutigineqarpoq, tak. Kalaallit Nunaanni eqqartuussisarnermut inatsimmi § 20, imm. 6. Inuup qanoq sivistutisumik najukkami eqqartuussisutut utaqqiisaasumik ivertitaasimasinnaaneranut piffissaliussat sivitsorneqarnissaannik siunnersuutigineqartunut siunnersuut atuumassuteqarpoq, tak. qulaani imm. 4.3-p ataani.

Taamatut iliornikkut najukkami eqqartuussiviup eqqartuussisumut ikiorti (maanna) misilittagaqalersimasoq suli ukiuni 3-ni sulisoriinnarsinnaalissavaa. Inatsisinik Atortitsinermut Ministereqarfik isumaqarpoq misilittagaqartumut taarsiullugu nutaamik



misilittagaqannginnerusumillu eqqartuussisumut ikiortimik ivertitsinermit, malittarisassani taamatut periarfissaqarneq siunertamut naapertuunnerussasoq. Peqatigisaanillu najukkami eqqartuussisumik aalajangersimasumik atorfilimmik, ilinniarsimasumik toqqaasoqartillugu imaluunniit najukkami eqqartuussisumik utaqqiisaasumik ivertitsisoqartillugu eqqartuussisumut ikiortit ivertitsinerup atorunnaarsinnissaanik maanna aalajangersagaasut attatiinnarneqassapput, tak. Kalaallit Nunaanni eqqartuussisarnermut inatsimmi § 20, imm. 7, (siunissami imm. 8-sussaq).

Eqqartuussisumut ikiortit pisuni immikkut ittuni eqqartuussutissap isumaqatigiissutiginiarneranik ingerlatsisinnaasutut ivertinneqarsinnaasasut ilanngullugu siunnersuutigineqarpoq. Eqqartuussutissap isumaqatigiissutiginiarneranik ingerlatsisinnaasutut taamaallaat eqqartuussisumut ikiortit misilittagaqartut ivertitaasinnaammata tamatumunnga atatillugu piumasaqaataavoq, soorlu aamma taamaallaat suliani minnerusuni pisariunnginnerusunilu periarfissap atorneqartarnissaa piumasaqaataasoq.

Suliat qanoq ittut eqqartuussisumut ikiortip suliarisinnaassagai Kalaallit Nunaanni Eqqartuussivimmi eqqartuussisup maannamutut ililluni erseqqinnerusumik aalajangersartussaavaa. Eqqartuussisumut ikiortip kalaallisut danskilullu paasisinnaanera, oqalussinnaanera allassinnaaneralu pineqartup inuttut suliamullu tunngasutigut piginnaasaanut suli annertuumik pingaaruteqartussaapput, soorlu aamma eqqartuussiveqarfimmik ilisimasaqareersinnaaneq aamma pingaartinneqartussaasoq, soorlu najukkami eqqartuussisutut, eqqartuusseqataasutut eqqartuussinermiluunniit allatsitut siusinnerusukkut sulisimanikkut.

Inatsisinik Atortitsinermit Ministereqarfiup maluginiarpaa eqqartuussisumut ikiortinik atuinissamut periarfissat annertusinerat Kalaallit Nunaanni Eqqartuussiveqarneq pillugu Isumalioqatigiissitat kaammattuutaannut naapertuuttoq.

#### *4.5. Danskit eqqartuussiviini inatsisilerituunik ivertitsigallarnissamut periarfissaq*

Qulaani imm. 3.2-p ataani taaneqartutut suleqatigiinnik suliassanik suliarinnittussanik ilaatigut danskit eqqartuussiviini inatsisilerituunik inuttaqartunik pilersitsinissamut 20 mio. kr.-t immikkoortinneqarput, pineqartullu najukkami eqqartuussisutut utaqqiisaasumik ivertinneqassapput, Kalaallit Nunaannilu najukkani eqqartuussivinni saqitsaannermik suliassat pinerluttulerinermillu suliassat ikilisarnissaannut peqataassallutik.

Taamaalilluni qulaani imm. 2.2.2.2-p ataani takuneqarsinnaasutut Kalaallit Nunaanni eqqartuussisarnermut inatsimmi najukkami eqqartuussisunik utaqqiisaasumik ivertitsineq pillugu aalajangersakkat nalinginnaasut malillugit, ullumikkut taamaallaat najukkami eqqartuussisutut toqqaasimasooq imaluunniit Kalaallit Nunaanni Eqqartuussivimmi fuldmægtigi ivertissallugu periarfissaqarpoq, (tak. § 16, imm. 2) imaluunniit eqqartuussisussatut piukkussat ilaat, pineqartup taassuma ilinniartittanerup ilaa tunngavisoq naammassereersimappagu, pineqartorluunniit ilinnigaqarnissamut tamatumunnga

pisussaajunnaarsinneqarsimappat, najukkami eqqartuussisuugallartussatut ivertinneqarsinnaavoq (tak. § 16, imm. 3).

Tamanna tunuliaqutaralugu Kalaallit Nunaanni eqqartuussisarnermut inatsisip allanngortinneqarnissaa inatsisissatut siunnersuutikkut siunniunneqarpoq, taamaasilluni danskit eqqartuussiviini nalinginnaasuni aalajangersimasumik eqqartuussisut fuldmægtigilluunniit siunissami najukkami eqqartuussisutut utaqqiisaasumik ivertinneqarsinnaalissallutik.

Tamaalilluni allannguutissatut siunnersuutikkut ilaatigut eqqartuussivinni inatsisilerituut danskit illoqarfiini eqqartuussivinnersut Kalaallit Nunaannut aallartinnissaannut pisariaqartitamik inatsisitigut tunngavissaqalissaaq, taakku piffissani annertuumik suliassa qarfiusumi, suliassat siumoortumik toqqartukkat, inatsisilerituunit danskiusunit najukkami pissutsinik kalaallillu oqaasiinik siumoortumik ilisimasaqanngitsunit suliarineqarnissamut tulluuttut suliarissallugit.

Siunnersuut aamma taanna Kalaallit Nunaanni Eqqartuussiveqarneq pillugu Isumalioqatigiissitat kaammattuutaannut naapertuuppoq.

#### *4.6. Akiliisitsiniarnermik eqqartuussisutigoortitsinerup atorunnaarsinnera*

Saqitsaannermik suliat arlaqartut najukkani eqqartuussivinniit Kalaallit Nunaanni Eqqartuussivimmut nuunneqarnissaannik siunnersuut, tak. imm. 4.2. qulaaniittoq, Kalaallit Nunaanni eqqartuussisarnermik inatsimmi kapitali 22-mi akiliisitsiniarnermik sulianik suliarinninnermut immikkut ittumut tunngasup attatiinnarnissaanut tunngaviusut pillugit apeqqummik immikkut ittumik qaffaatitsivoq.

Qulaani imm. 2.2.3-p ataani taaneqartutut akiliisitsiniarnermik suliamut ilaapput saqitsaannermik eqqartuussineq, eqqartuussutillu oqaatigineqarnerata malitsigisaanik eqqartuussummik nammassinnitsitsineq. Taamaalilluni akiliisitsiniarnermik sulianut ilaapput aningaasatigut piunasaqaatinik isumaqatigiinngissutaanngitsunik akiliisitsiniarneq, tamatumani eqqartuussutip oqaatigineqarnera nangiinnarlugu akiligassa qarfiusup pinngitsaaliissummik naammassinninnissaq kissaatigisarlugu.

Taamatut suleriaaseqarnikkut eqqartuussivik ataasiinnaq eqqartuussinermik suliaqasaaq eqqartuussuteqarlunilu, tamatumalu eqqartuussut tunngavigalugu aningaasatigut piunasaqaatip pinngitsaaliissummik naammassineqarnissaa isumagissallugu.

Taamaattorli saqitsaannermik suliat najukkani eqqartuussivinniit Kalaallit Nunaanni Eqqartuussivimmut nuunneqarnissaannik siunnersuutip kingunerissavaa, akiliisitsiniarnermik suliat suliarineqartarneranut tunngaviusup atuukkunnaarnissaa, aningaasatigummi piunasaqaatit pillugit saqitsaannermik suliat Kalaallit Nunaanni Eqqartuussiviup siunissami suliarisartussaammagit eqqartuussuteqarfigalugillu, tamatumalu kingorna najukkami

eqqartuussiviit eqqartuussut tunngavigalugu aningaasatigut piunasaqaammik naammassititsisussaallutik.

Taamaattumik Inatsisunik Atortitsinermit Ministereqarfik isumaqarpoq eqqartuussisarnermik inatsimmi kapitali 22-mi akiliisitsiniarnermik suliat suliarineqartarnerannut malittarisassat immikkut ittut attatiinnarneqarsinnaanngitsut.

Taamaattumik saqitsaannermik suliat najukkani eqqartuussivinniit Kalaallit Nunaanni Eqqartuussivimmut nuunneqarnissaannik siunnersuutip kinguneranik kapitali 22-mi malittarisassat peqatigisaanik atorunnaarsinneqarnissaat siunnersuutigineqarpoq.

Taamaalilluni suliat, akiliisitsiniarnermik suliat suliarineqartarnerat immikkut ittoq malillugu ullumikkut aalajangiivigineqartartut, saqitsaannermik suliat suliarineqartarnerannut malittarisassat nalinginnaasut malillugit siunissami aalajangiivigineqartartussanngussapput, pinngitsaaliissummik naammassititsineq ilanngullugu. Tamatuma kinguneranik suliat Kalaallit Nunaanni eqqartuussisarnermik inatsimmi kapitali 18-19-imi malittarisassat malillugit suliarineqartartussanngussapput. Tamatuma kingorna eqqartuussutigineqartoq tunngavigalugu inatsimmi kapitali 47-mi malittarisassat malillugit pinngitsaaliissummik naammassititsisoqarsinnaassaaq. Taamaattoqassappat eqqartuussiveqarfimmi piginnaatitaasumi eqqartuussutinik naammassititsiniaasartumut tamanna pillugu qinnuteqaammik tunniussisoqartussaassaaq, tak. § 601, imm. 1.

## **5. Pisortanut aningaasaqarnikkut allaffissornikkullu kinguneri**

...

## **6. Inuussutissarsiortunut il.il. Aningaasaqarnikkut allaffissornikkullu kinguneri**

...

## **7. Innuttaasunut allaffissornikkut kinguneri**

...

## **8. Avatangiisinut tunngasutigut kinguneri**

Inatsissatut siunnersuut avatangiisinut tunngasutigut kinguneqanngilaq.

## **9. EU-mi inatsiseqarnermut attuumassutit**

Inatsisissatut siunnersuut EU-mi inatsiseqarnermut attuumassutinik imaqanngilaq.

## **10. Oqartussaasut, kattuffiit il.il. tusarniaaffigineqartut**

Inatsisissatut siunnersuummut missiliuut oqartussaasunut, kattuffinnut il.il. tulliuuttunut tusarniaassutigineqarpoq.:

Eqqartuussisuserisut siunnersuisoqatigiivi, Danske Advokater, Den Danske Dommerforening, Pinerluuteqarsimasunik Isumaginnittoqarfimmut Pisortaqarfik, Dommerfuldmægtigforeningen, Eqqartuussiveqarfimmut Aqutsisoqarfik, Foreningen af Offentlige Anklagere, Kalaallit Nunaanni Illersuisut Peqatigiiffiat, Nunatta Eqqartuussisuuneqarfia, Kalaallit Nunaanni Politiit Peqatigiiffiat, HK Landsklubben Danmarks Domstole, Inuit Pisinnaatitaaffiit Ingerlatsivik, Najukkani Eqqartuussisut Peqatigiiffiat, Landsforeningen af Forsvarsadvokater, Politiforbundet i Danmark, Kalaallit Nunaanni Politimesteri, Præsidenten for Vestre Landsret, Præsidenten for Østre Landsret, Retspolitisk Forening, Kalaallit Nunaanni Eqqartuussivik, Naalagaaffiup Unnerluussisua kiisalu Rigspolitiet.

## 11. Immersugaq eqikkaaffiusoq

	Kinguneri pitsaast/ aningaasartuutit ikinnerusut	Kinguneri pitsaanngitsut/ aningaasartuutit amerlanerusut
Naalagaaffimmut, kommuninut nunallu immikkoortuinut aningaasatigut kinguneri		
Naalagaaffimmut, kommuninut nunallu immikkoortuinut allaffissornikkut kinguneri		
Inuussutissarsiortunut aningasatigut kinguneri		
Inuussutissarsiortunut allaffissornikkut kinguneri		
Innuttaasunut allaffissornikkut kinguneri		
Avatangiisinut tunngasutigut kinguneri	Soqanngilaq	Soqanngilaq
EU-mi inatsiseqarnermut attuumassutit	Inatsisissatut siunnersuut inatsiseqarnermut attuumassuteqanngilaq	EU-mi

*Inatsisissatut siunnersuummi aalajangersakkanut ataasikkaanut oqaaseqaatit*

*§ 1-mut*

Nr. 1-mut

Siunnersuutip kinguneranik danskit eqqartuussiviini nalinginnaasuni aalajangersimasumik eqqartuussisut fuldmægtigilluunniit najukkami eqqartuussisutut siunissami utaqqiisaasumik ivertinneqarsinnaalissapput.

Tamaalilluni ilaatigut eqqartuussivinni inatsilerituut danskit illoqarfiini eqqartuussivinnersut Kalaallit Nunaannut aallartinnissaannut pisariaqartitamik inatsisitigut tunngavissaqalissaaq, taakku piffissani annertuumik suliaasaqarfiusumi, suliaassat siumoortumik toqqartukkat, inatsilerituunit danskiusunit najukkami pissutsinik kalaallillu oqaasiinik siumoortumik ilisimasaqanngitsunit suliarineqarnissamut tulluuttut suliarissallugit.

Tamatumunnga atatillugu oqaatigineqassaaq eqqartuussivinni inatsilerituunik danskiusunik ivertitsigallarnissamut taamatut ingerlaaseqartoqarnissaanik killiliinissaaq piunasaqaataanngimmat.

Tamatuma saniatigut inatsisissatut siunnersuummut oqaaseqaatini nalinginnaasuni imm. 4.5 innersuussutigineqarpoq.

Nr. 2.mut

Najukkami eqqartuussisutut atorfiup qanoq sivistutisumik utaqqiisaasumik inuttaqartissinnaaneranut piffissaliussaaq siunnersuutip kinguneranik ukiunit 5-nit ukiunut 8-nut sivitsorneqarpoq.

Tamatumunnga atatillugu inatsisissatut siunnersuummut oqaaseqaatini nalinginnaasuni imm. 4.5 innersuussutigineqarpoq.

Nr. 3-mut

Najukkami eqqartuussivimmi qaavatigut najukkami eqqartuussisutut ivertitsinerup qanoq sivistutisumik atuussinnaaneranut piffissaliussaaq siunnersuutip kinguneranik ukiunit 2-nit ukiunut 5-inut sivitsorneqarpoq.

Tamatumunnga atatillugu inatsissatut siunnersuummut oqaaseqaatini nalinginnaasuni imm. 4.3 innersuussutigineqarpoq.

Nr. 4-mut

Kalaallit Nunaanni eqqartuussisarnermik inatsimmi § 20, imm. 5-ip kingorna immikkoortumik nutaamik ikkussinissamik siunnersuutip siunnersuut kinguneraa, tak. Inatsisissatut siunnersummi § 1, nr. 5, eqqartuussisumut ikiortit pinerlunnermik suliani eqqartuussutissamik isumaqatigiinniartitsussatut pisuni immikkut ittuni ivertitaasinnaaneranut tunngasoq. Siunnersuutip kiinguneranik Kalaallit Nunaanni Eqqartuussivimmi eqqartuussisup maannamutut ililluni erseqqinnerusumik aalajangertussaavaa, suliat suut eqqartuussisumut ikiortip suliarisinnaassanera.

Tamatuma saniatigut inatsisissatut siunnersuummut oqaaseqaatini nalinginnaasuni imm. 4.4 innersuussutigineqarpoq.

Nr. 5-imut

Aalajangersagassatut siunnersuutikkut eqqartuussisumut ikiortit eqqartuussutissamik isumaqatigiinniartitsisinnaasutut pisuni immikkut ittuni ivertitaasinnaassapput.

Eqqartuussisumut ikiortit misilittagaqartut kisimik eqqartuussutissanik isumaqatigiinniartitsisinnaasutut ivertitaasarnissaat siunnersummi piumasaqaataavoq, soorlu aamma taamaallaat sulianut minnerusunut pisariunngitsunullu periarfissap atorneqarnissaa piumasaqaataasoq.

Eqqartuussisumut ikiortip kalaallisut qallunaatullu paasisinnaanera, oqalussinnaanera allassinnaaneralu pineqartumut inuttut suliamullu tunngasutigut piginnaanerussiaaq suli annertuumik pingaaruteqartoq, soorlu aamma eqqartuussiveqarfimmik siumoortumik ilisimasaqareersimasinnaanera suli pingaartinneqartussaasoq, assersuutigalugu najukkami eqqartuussisutut, eqqartuusseqaataasutut eqqartuussinermiluunniit allatsitut siusinnerusukkut sulisimanermigut.

Tamatuma saniatigut inatsisissatut siunnersuummut oqaaseqaatini nalinginnaasuni imm. 4.4 innersuussutigineqarpoq.

Nr. 6-imut

Najukkami eqqartuussivimmi ataasiinnaasumi eqqartuussisumut ikiortit utaqqiisaasumik ivertitaanerup qanoq sivistigisumik atuussinnaaneranut piffissaliussiaq siunnersuutip kinguneranik ukiunit 3-nit ukiunut 6-nut sivitsorneqarpoq.

Tamatuma saniatigut inatsisissatut siunnersuummut oqaaseqaatini nalinginnaasuni imm. 4.4 innersuussutigineqarpoq.

Nr. 7-imut

Najukkani eqqartuussiviit najukkaminni piginnaatinnearfiisa, Kalaallit Nunaanni eqqartuussisarnermik inatsimmi aalajangersarneqarsimanermissut ittit allanngortinneqarnissaat siunnersuutikkut siunertaavoq. Allannguutissatut siunnersuutikkut pinerlunnermik suliassani, tak. § 54, nr. 2, pigisanik agguaassinermik suliassani, tak. § 54, nr. 3, nammineersinnaassusiiaanerit aammalu pigisat tungaasigut siunnersortissaliineq pillugu suliassani, tak. § 54, nr. 4, ataatassarsiuussinermik suliassani, tak. § 54, nr. 5, aappariinnermik aamma angajoqqaatut oqartussaassuseqarnermik suliassani, tak. § 54, nr. 6, uppersaasiinerni, tak. § 54, nr. 11 kiisalu imarsiornermut tunngasunik nassuiaanerni, tak. § 54, nr. 12, najukkani eqqartuussiviit siullermeeriffiusumik siunissami suliarinnittartussaassapput, suliassat taakku inatsisikkut, Inatsisartut inatsisaatigut imaluunniit Inatsisartut peqqussutaatigut Kalaallit Nunaanni Eqqartuussivimmi siullermeeriffiusumik suliarineqartussaataaangippata.

Kalaallit Nunaanni Eqqartuussiviup najukkani siunissami piginnaatinnearfissaattut aalajangersagassatut siunnersuummut atatillugu siunnersuut annerusumik isiginiarneqassaaq, tak. Inatsisissatut siunnersuummi § 1, nr. 8.

Najukkani eqqartuussiviit aamma Kalaallit Nunaanni Eqqartuussiviup akornanni suliassat qanoq agguataarneqarnissaannik siunnersuut, Inatsisunik Atortitsinermit Ministereqarfiup isumaa naapertorlugu, suliat pisariaqartinneqartumik pitsaassusilimmik piffissallu naammagintartup iluani suliarineqarsinnaanerisa ungasinnerusumut isigaluni qulakkeernissaannut tapertaassaaq.

Tamatuma saniatigut oqaatigineqassaaq saqitsaannermik suliassani illuatungeriit, Kalaallit Nunaanni eqqartuussisarnermik inatsimmi § 202-mi malittarisassaq malillugu, eqqartuussineq Kalaallit Nunaanni Eqqartuussivimmut atasoq najukkani eqqartuussivimmi suliarineqassasoq isumaqatigiissutigisinnaavaat.

Tamatuma saniatigut inatsisissatut siunnersuummut oqaaseqaatini nalinginnaasuni imm. 4.2 innersuussutigineqarpoq.

Nr. 8-mut

Kalaallit Nunaanni Eqqartuussiviup najukkani piginnaatinnearfiisa Kalaallit Nunaanni eqqartuussisarnermik inatsimmi aalajangersarneqarsimanermissut ittit allanngortinneqarnissaat siunnersuutikkut siunertaavoq. Taamaalilluni suliassat arlaqartut najukkani eqqartuussivinni ullumikkut siullermeeriffiusumik suliarineqartartut, Kalaallit Nunaanni Eqqartuussivimmut nuunneqarnissaat aalajangersagassatut siunnersuutit

kingunerissavaa. Allanguutissatut siunnersuutikkut saqitsaanermik suliassani, tak. § 54, nr. 1, eqqartuussinertaqanngitsumik aalajangiinikkut kiffaanngissusiaanermik misiliineq pillugu suliassani, tak. § 54, nr. 7, akuersisitsinertaqanngitsumik qitornavissartaartitsinissamik aalajangiinernik misiliineq pillugu suliassani, tak. § 54, nr. 8, inerteqqutit, pisinnaatitaaffinnik takussaangitsunik innarliisoqarsimatillugu allakkanik qulakkeerineq, arsaarinnikkallarnerit, pinngitsaaliissummik tuniniaanerit pillugit suliassani aamma eqqartuussutinik naammassinninniaanerup tungaatigut misiliinerni, tak. § 54, nr. 9, nalunaarsuinerni (eqqartuussivikkoortumik), tak. § 54, nr. 10, misissuisartussanik naliliisartussanillu eqqartuussiviit sulinerisa avataatigut toqqaanerni, tamanna naalagaaffiup sinniisaanit isumagineqarsinnaanngikaangat, tak. § 54, nr. 13, uppersaatissanik katersinerni, suliassami eqqartuussivimmi ingerlanneqartumi atugassaanngippata, tak. § 54, nr. 14, kiisalu suliassani allani, inatsisit naapertorlugit eqqartuussivinnut suliassanngortitani, tak. § 54, nr. 15, Kalaallit Nunaanni Eqqartuussivik siullermeeriffiusumik siunissami sularinnittartussaavoq.

Najukkani eqqartuussiviit najukkani siunissami piginnaatinneqarfissaattut aalajangersagassatut siunnersuummut atatillugu siunnersuut annerusumik isiginiarneqassaaq, tak. inatsisissatut siunnersuummi § 1, nr. 7. Tamatumunnga atatillugu inatsisissatut siunnersuummi § 1, nr. 7-imut oqaaseqaatit qulaaniittut innersuussutigineqarput.

Inatsisinik Atortitsinermut Ministereqarfiup isumaa naapertorlugu qanittumiinnissamik tunngaveqarneq naammattumik mianerineqarsinnaavoq, Kalaallit Nunaanni Eqqartuussivik najukkani eqqartuussiviit eqqartuussisarfiini pisariaqarfiisigut sulisinneqartarnerisigut, qanittumiinnissamik tunngaveqarneq isumaqarmat Kalaallit Nunaanni innuttaasut sapinngisamik ajornaatsumik pisariitsumillu eqqartuussivinnut anngussinnaassasut, tak. Kalaallit Nunaanni eqqartuussisarnermik inatsimmi § 6, imm. 1, soorlu aamma Kalaallit Nunaanni eqqartuussiveqarfiup 2010-imi iluarsartuuteqqinneranut atatillugu siunniunneqartutut ungasissumut attaveqaatinik, videokkut ataatsimiissutitut il.il. ittunik atuinerulerneq, eqqartuussivimmi sularinninnerup naapertuuttuunissaata eqaatsuunissaatalu qulakkeernissaanut annertuumik tapertaasinnaasoq, tamatumani Kalaallit Nunaata isorartunerujussuatigut nunap pissusia immikkut ittoq, angalanermut piffissaq atorneqartartoq il.il. mianerineqarmata.

Tamatuma saniatigut oqaatigineqassaaq saqitsaanermik suliassat Kalaallit Nunaanni Eqqartuussivimmut atasut, najukkami eqqartuussivimmi sularineqassasut suliame illuatungeriit Kalaallit Nunanni eqqartuussisarnermik inatsimmi § 202-mi malittarisassaq naapertorlugu isumaqatigiissutigisinnaavaat.

Tamatuma saniatigut inatsisissatut siunnersuummut oqaaseqaatini nalinginnasuni imm. 4. innersuussutigineqarpoq.

Nr. 9-mut



Kalaallit Nunaanni eqqartuussisarnermik inatsimmi § 57-imi imm. 1-ip siornani immikkoortumik nutaamik ilanngussinissamik siunnersuutip kinguneranik allannguutissatut siunnersuut aaqqissuusseriesaatsimi aaqqiineruvoq, tak. Inatsisissatut siunnersuummi § 1, nr. 8.

Nr. 10-mut

Siunnersuutip kinguneranik Kalaallit Nunaanni eqqartuussisarnermik inatsimmi kapitali 22, akiliisitsiniarnermik suliat suliarineqarnerannut aalajangersakkanik immikkut ittunik imaqartoq atorunnaassaaq. Saqitsaannermik suliassat arlaqartut najukkani eqqartuussivinniit Kalaallit Nunaanni Eqqartuussivimmuut nuunneqarnissaannik siunnersuummut atatillugu siunnersuut isiginiarneqasaaq, tak. inatsisissatut siunnersuummi § 1, nr. 7 aamma 8.

Inatsimmi kapitali 22-mi malillugu akiliisitsiniaanermik sulianik immikkut ittunik suleriaaseq inuinaat saqitsaannerannik eqqartuussinertaqarpoq, eqqartuussutillu oqaatigineqarnerata kinguninngua eqqartuussummik naammassisitsinertaqarluni. Taamaasilluni akiliisitsiniaanermik ingerlatsinermi aningaasatigut piumasaqaatinik akiliisitsiniaanermik suliat akerleriissutigineqanngitsut tamarmik ilaapput, tamatumani akiliiffigineqartussap kissaatigalugu eqqartuussinerup kinguninnga pinngitsaaliissummik naammassinnittoqassasoq.

Taamatut suleriaaseqarnermi eqqartuussivik ataasiinnaq eqqartuussinermik suliaqasaaq eqqartuussuteqarlunilu, tamatumalu kingorna aningaasatigut piumasaqaatip eqqartuussut tunngavigalugu pinngitsaaliissummik naammassitineqarnera isumagissallugu.

Saqitsaannermilli suliassat najukkani eqqartuussivinniit Kalaallit Nunaanni Eqqartuussivimmuut nuunneqarnissaannik siunnersuuteqarnikkut, akiliisitsiniarnermik suleriaatsit immikkut ittut pigiinnarnissaannut piumasaqaatit eqqortinneqarunnaassapput, aningaasanimim piumasaqaatit pillugit saqitsaannermik eqqartuussinerit eqqartuussuteqarnerillu Kalaallit Nunaanni Eqqartuussiviup siunissami suliarisartussaagamigit, najukkamilu eqqartuussiviit eqqartuussut tunngavigalugu aningaasatigut piumasaqaammik suli naammassisitsisartussaallutik.

Taamaattumik saqitsaannermik suliassat pineqartut najukkani eqqartuussivinniit Kalaallit Nunaanni Eqqartuussivimmuut nuunneqarnissaannik siunnersuutip kinguneranik kapitali 22-mi malittarisassat atorunnaarsinneqassasut siunnersuutigineqarpoq.

Taamaalilluni suliassat akiliisitsiniarnermik suleriaaseq immikkut ittoq malillugu ullumikkut aalajangiivigineqartartut, saqitsaannermik suliassat suliarineqartarnerannut malittarisassat nalinginnaasut malillugit siunissami aalajangiivigineqartassapput, pinngitsaaliissummik naammassinnititsisineq ilanngullugu. Tamatuma kinguneranik suliassat taakku Kalaallit Nunaanni eqqartuussisarnermik inatsimmi kapitali 18-19-imi malittarisassat malillugit suliarineqartalissapput. Tamatuma kingorna eqqartuussutigineqartoq tunngavigalugu

inatsimmi kapitali 47-mi malittarisassat malillugit pinngitsaaliinikkut naammassitsiniaasoqartussaassaaq. Taamaattoqassappat tamanna pillugu noqqaassut eqqartuussiveqarfimmi piginnaatitaasumi eqqartuussutinik naammassititsiniaasartumut tunniunneqartussaavoq, tak. § 601, imm. 1.

Tamatuma saniatigut inatsisissatut siunnersuummut oqaaseqaatini nalinginnasuni imm. 4.6 innersuussutigineqarpoq.

Nr. 11-mut

Allannguutissatut siunnersuutit ilaatigut suliassat eqqartuussinertaqanngitsumik aalajangiinikkut kiffaanngissusiiaanermik misiliinermut tunngasut najukkani eqqartuussivinniit Kalaallit Nunaanni Eqqartuussivimmuut nuunneqarnissaanik siunnersuutip kingunerai, tak. Inatsisissatut siunnersuummi § 1, nr. 7 aamma 8.

Nr. 12-imut

Allannguutissatut siunnersuutit ilaatigut suliassat eqqartuussinertaqanngitsumik aalajangiinikkut kiffaanngissusiiaanermik misiliinermut tunngasut najukkani eqqartuussivinniit Kalaallit Nunaanni Eqqartuussivimmuut nuunneqarnissaanik siunnersuutip kingunerai, tak. Inatsisissatut siunnersuummi § 1, nr. 7 aamma 8.

Nr. 13-imut

Allannguutissatut siunnersuutit ilaatigut suliassat eqqartuussinertaqanngitsumik aalajangiinikkut kiffaanngissusiiaanermik misiliinermut tunngasut najukkani eqqartuussivinniit Kalaallit Nunaanni Eqqartuussivimmuut nuunneqarnissaanik siunnersuutip kingunerai, tak. Inatsisissatut siunnersuummi § 1, nr. 7 aamma 8.

Nr. 14-imut

Kalaallit Nunaanni eqqartuussisarnermik inatsimmi § 747-imi ikaarsaariarnermik aaqqissuussinerup ilaatigut annertusinissaa siunnersuutikkut siunniunneqarpoq, tassuunakkut inuit najukkami siusinnerusukku eqqartuussisuusimasut 1. januar 2016 tikillugu utaqqiisaasumik ivertinnissaannut periarfissinneqarmat.

Aalajangersagaq malillugu taamaallaat inuit ikaarsaariarnermik aaqqissuussinerup 1. januar 2010-mi atuutilersinnera tikillugu najukkami eqqartuussisuusimasut utaqqiisaasumik ivertinneqarsinnaapput.

Siunnersuutip kinguneranik inuit siusinnerusukkut najukkami eqqartuussisutut sulisimasut, 1. januar 2010 tikillugu najukkami eqqartuussisutut sulisimanngikkaluartulluunniit, siunissami utaqqiisaasumik ivertinneqarsinnaalissapput.

Ikaarsaariarnermik aaqqissuussinerup suli ukiunik marlunnik sivitsorneqarnissaa peqatigisaanik siunnersuutigineqarpoq, 1. januar 2018 tikillugu atuuttussanngorlugu.

Kalaallit Nunaanni Eqqartuussivimmi eqqartuussisoq maannamutut ililluni ikaarsaariarnermik aaqqissuussineq tunngavigalugu najukkami eqqartuussisumik utaqqiisaasumik ivertitsinissamut piginnaatitaavoq. Najukkami siusinnerusukkut eqqartuussisuusimasumik utaqqiisaasumik ivertitsinnginnermi pineqartoq pisariaqartitamik ilinniagarsimanersoq imaluunniit pisariaqartitamik ilinniagaqarnermigut aaqqissuussineq malillugu ullumikkut utaqqiisaasumik najukkami eqqartuussisutut sulisut piginnaasaasa assinginik piginnaasaqalernissaa Kalaallit Nunaanni Eqqartuussivimmi eqqartuussisup nakkutigissagaa aaqqissuussinerup annertusinissaanik siunnersuuteqarnermi piumasaqaataavoq.

Aaqqissuussineq malillugu najukkami eqqartuussisutut utaqqiisaasumik ivertitaanissamut, pineqartup tusaamanerlugaannginnissaa kommunalbestyrelsimullu qinigaasinnaanermut piumasaqaatinik eqqortitsisimanissaa maannamutut ililluni piumasaqaataassaaq.

Tamatuma saniatigut inatsisissatut siunnersuummut oqaaseqaatini nalinginnasuni imm. 4.3 innersuussutigineqarpoq.

## *§ 2-mut*

Inatsisissatut siunnersuut 1. juli 2014 atuutilissasoq siunnersuutigineqarpoq.

Najukkami eqqartuussisutut utaqqiisaasumik ivertitaanerup qanoq siviutigisumik atuussinnaaneranut piffissaliussat sivitsorneqarnissaanik siunnersuutit, tak. inatsisissatut siunnersuummi § 1, nr. 2, 3, aamma 12, ivertitsinernut ulloq atuutilersitsiffiusoq sioqqullugu nalunaarutigineqartunut, aamma ivertitsinernut ullup taassuma kingorna nalunaarutigineqartunut atuutsinneqassapput.

Aamma eqqartuussisumut ikiortitut utaqqiisaasumik ivertitaanerup qanoq siviutigisumik atuussinnaaneranut piffissaliussap sivitsorneqarnissaanik siunnersuummut tamanna atuuppoq, tak. inatsisissatut siunnersuummi § 1, nr. 6.

Aammattaaq suliassanut inatsisissatut siunnersuutip atuutilersinneqarnerata kingorna eqqartuussivinnut suliassanngortinneqartunut, suliassanullu tamanut atuutilersinnera sioqqullugu najukkani eqqartuussivinnut suliassiissutigineqarsimasunut, atuutilersitsinermili najukkani eqqartuussivinni pissusiviusutigut suliarineqarsimanngitsunut inatsisissatut siunnersuummi § 7, nr. 7-13 atuutissasut ilanngullugu siunnersuutigineqarpoq.

Tamatuma kinguneranik suliat ingerlasut suliarineqanngitsut tamarnik, ullumikkut najukkani eqqartuussivinniittut (suliat qaleriiaatiinnalersut), siunissamilu Kalaallit Nunaanni

Eqqartuussiviup najukkami piginnaatinneqarneranut ilaasussaasut, Kalaallit Nunaanni Eqqartuussivimmu nuunneqassapput, tassanilu suliarineqarlutik. Sulialli najukkani eqqartuussivinni arlaatigut pissusiviusutigut suliarineqarsimanngitsut kisimik pineqarput. Taamaalilluni suliat atuutilersitsinerup nalaani najukkani eqqartuussivinni pissusiviusutigut suliarineqalersimasut, tassani naammassillugit suliarineqartussaassapput, aamma suliat taamatut ittut Kalaallit Nunaanni Eqqartuussiviup najukkami piginnaatinneqarfianut siunissami ilaasussaagaluarpata.

## Ilanngussaq 1

### *Inatsisissatut siunnersuut inatsimmut atuuttumut naleqqiullugu*

<i>Oqaasertalernera atuuttoq</i>	<i>Inatsisissatut siunnersuut</i>
<p>§ 16. Eqqartuussisutut ivertitsigallartoqarnera Kalaallit Nuunaanni Eqqartuussivimmi eqqartuussisumit §§ 17-19 malillugit nalunaarutigineqarsinnaavoq.</p> <p><i>Imm.</i> 2. Najukkami eqqartuussisuugallartussatut ivertinneqarsinnaavoq eqqartuussisutut toqqarneqarsimasoq imaluunniit Kalaallit Nunaanni Eqqartuussivimmi fuldmægtigi.</p>	<p style="text-align: center;"><b>§ 1</b></p> <p>Kalaallit Nunaanni eqqartuussisarnermik inatsimmik, tak. Inatsit nr. 305, 30. april 2008-meersoq, inatsit, nr. 1388, 23. december 2012-imeersukkut allanngortinneqartumik, tulliuttunik allanngortitsisoqassaaq:</p>

<p><i>Imm.</i> 3. Najukkami eqqartuussisisuugallartussatut aamma ivertinneqarsinnaavoq eqqartuussisussatut piukkussat ilaat, pineqartup taassuma ilinniartitaanerup ilaa tunngaviusoq § 12, imm. 2-mi taaneqartoq naammassereersimappagu, imaluunniit ilinniagaqarnissamut tamatumunnga § 12, imm. 3 malillugu pisussaajunnaarsinneqarsimappat. Najukkami eqqartuussisutut atorfimmut piukkussaq ilinniarnermi nalaani qaqugumiit eqqartuussisuugallartutut ivertinneqassanersoq pillugu Domstolsstyrelsi malittarisassanik erseqqinnerusunik aalajangersaassaaq.</p>	<p>1. § 16-imi imm. 3-p kingorna immikkoortumik nutaamik ilanngussisoqassaaq:  »Imm. 4. Tamatuma saniatigut Danmarkimi eqqartuussivinni nalinginnaasuni aalajangersimasumik eqqartuussisoq fuldmægtigiluunniit najukkami eqqartuussivimmi najukkami eqqartuussisuugallartutut ivertinneqarsinnaavoq.«.</p>
<p>§ 17. Najukkami eqqartuussisutut ivertitaagallarneq nalunaarutigineqarsinnaavoq, atorfiup inuttaqannginnerani imaluunniit aalajangersimasumik eqqartuussisuusup pisinnaannginnerani tamanna pisariaqalerpat.  <i>Imm.</i> 2. Imm. 1-imi taaneqartut pissutigalugit tamanna pisariaqartutut nalilerneqarpat, najukkami eqqartuussisoq kinaluunniit pisussaavoq atorfimmi saniatigut</p>	<p>2. § 17-imi, imm. 3, »5« allanngortinneqassaaq »8«-nngorlugu.</p>

<p>atorfiugallartumut allamut ivertinneqarnissani akuerissallugu. <i>Imm.</i> 3. Najukkami eqqartuussisutut atorfik qaququkkulluunniit ukiut tallimat sinnerlugit sivisussusilimmik utaqqiisaasumik inuttaqartinneqarsinnaanngilaq. <i>Imm.</i> 4. Utaqqiisaasumik ivertitsineq atorunnaassaaq atorfik inuttaqartinneqangitsoq inuttalerneqarpat imaluunniit pisinnaajunnaarnermut pissutaasoq atuukkunnarpat. Taamaattorli Kalaallit Nunaanni Eqqartuussivimmi eqqartuussisup siusinnerusukkut atuukkunnaarseqqissinnaavaa.</p> <p><b>§ 18.</b> Eqqartuussivimmi eqqartuussisuusup saniatigut allamik utaqqiisaasumik ivertitsineq nalunaarutigineqarsinnaavoq, tamanna eqqartuussivimmi pissutsinit imaluunniit ilinniagaqarnermut tunnngassutilinnit pisariaqartinneqarpat. <i>Imm.</i> 2. Ivertitsineq qaqugukkulluunniit ukiut marluk sinnerlugit atuutsinneqarsinnaanngilaq. <i>Imm.</i> 3. Utaqqiisaasumik ivertitsineq Kalaallit Nunaanni Eqqartuussivimmi eqqartuussisumit atuukkunnarseqqinneqassaaq.</p> <p><b>§ 20.</b> Najukkami eqqartuussisumut ikiortitut ivertitsigallarneq Kalaallit Nunaanni Eqqartuussivimmi</p>	<p><b>3.</b> § 18-imi, <i>imm.</i> 2, »2« allanngortinneqassaaq »5«- inngorlugu.</p> <p><b>4.</b> § 20-mi, <i>imm.</i> 3, »imm. 4 aamma 5« allanngortinneqassaaq til: »imm. 4-6«-inngorlugu.</p>
--	--

<p>eqqartuussisumit nalunaarutigineqarsinnaavoq, tamanna atorfiup inuttaarunnerani imaluunniit eqqartuussisup pisinnaajunnaarnerani pisariaqartinneqarpat, aammalu § 16 malillugu eqqartuussisuugallartussamik ivertitsisoqarsinnaasimanngippat. <i>Imm.</i> 2. Najukkami eqqartuussisumut ikiortitut ivertitsinermi piumasaqaatit § 12, imm. 1-imiittut aamma 4-miittut taamatulli atuutinneqassapput. <i>Imm.</i> 3. Kalaallit Nunaanni Eqqartuussivimmi eqqartuussisoq imm. 4 aamma 5 malillugit aalajangiisassaaq eqqartuussisumut ikiorti suliassanik sunik suliassarqarsinnaanersoq. <i>Imm.</i> 4. Najukkami eqqartuussisumut ikiortit makkuninngaannerusoq suliassaqaartussanngortinneqarsinna apput: 1) Ataataarsarsuinerit, 2) Pigisanik agguaassinermik suliaqarnerit aamma 3) uppernarsaasiinerit. <i>Imm.</i> 5. Eqqartuussisumut ikiortit, eqqartuussisumut ilinniartitaanermi § 12, imm. 2-mi eqqartorneqartumi pinerluttulerinermi suliaqarnermi pinngitsaaliinikkut akuliuttarneq pillugu atuareersimasut ilaatigut suliassanik makkuninnga aamma suliassaqaarsinnaapput: 1) Inatsimmi matumani kapitali 32-mi maleruagassat malillugit illersuisumik, eqqartuussiviup avataaneersumik siunnorsortissamik imaluunniit</p>	<p>5. § 20-imi imm. 5-ip kingorna immikkoortumik nutaamik ilanngussisoqassaaq: »<i>Imm.</i> 6. Eqqartuussisumut ikiortit eqqartuussutissanik isumaqatigiinniartitsisutut suliaqaartussatut pisuni immikkut ittuni ivertinneqarsinnaapput.«. <i>Imm.</i> 6-7 allanngortinneqassapput imm. 7-8- nngorlugit. 6. § 20, imm. 6-imi, oqaaseqatigiit pingajuat, tassaalersumi imm. 7, oqaaseqatigiit appaat, »3« allanngortinneqassaaq »6«- inngorlugu.</p>
--	--

<p>najugarisami ikiortissamik  ivertitsinissaq pillugu apeqqutit,  2) pinerlineqartumut  illersuisussamik § 333 malillugu  ivertitsineq pillugu apeqqutit,  3) inatsimmi matumani kapitali  35-mi maleruagassat malillugit  tigummigallagassanngortitsineq  pillugu apeqqutit,  4) inatsimmi matumani kapitali  36-mi maleruagassat malillugit  nalunaarutitik  isertuussisussaannermi  pinngitsaaliissuteqartarnek,  alaatsinaattarnek, timimik  misissuisarnek aamma  uppernarsaatissanik  ujarlerfiginnittarnek pillugit  apeqqutit, aamma  5) inatsimmi matumani kapitali  37-mi maleruagassat malillugit  paasiniaannermi pinngitsaaliinikkut  allatigut akuliuttarnek pillugu  apeqqutit.  <i>Imm.</i> 6. Najukkami  eqqartuussisumut ikiortimik ukioq  ataaseq tikillugu  ivertitsisoqarsinnaavoq.  Ivertinneqartoq  toqqaqqinneqarsinnaavoq.  Taamaattorli eqqartuussivimmi  ataatsimi ivertitsineq  sivisunerpaamik katillugit ukiunut  pingasunut pisinnaavoq.  <i>Imm.</i> 7. Najukkami  eqqartuussisumut  ikiortinngortitaasimaneq  atorunnaassaaq imm. 1 imaluunniit  2 malillugu ivertinneqarnissamut  piumasaqaatit atuukkunnarpata.  Taamaattorli Kalaallit Nunaanni  Eqqartuussivimmi eqqartuussisoq  ivertitsinermik siusinnerusumiit</p>	<p>7. § 55 imatut  oqaasertalerneqassaaq:  »§ 55. Pinerlunermik suliani, tak.  § 54, nr. 2 pigisanik  agguassinermik suliani, tak. § 54,  nr. 3,  nammineersinnaassusiiianernik  aammalu pigisat tungaasigut  siunnersortissaliinermik suliani,  tak. § 54, nr. 4,  ataatassarsiuinermik suliani, tak.  § 54, nr. 5, aappariinnermik aamma  angajoqqaatut  oqartussaassuseqarerinnermik  suliani, tak. § 54, nr. 6,  uppernarsaasiinerit pillugit suliani,  tak. § 54, nr. 11, kiisalu  imarsiornermut tunngasunik  nassuiaanermik suliani tak. § 54  nr.12, najukkami eqqartuussiviit  siullermeerinnilluni  suliarinnissapput, suliat inatsisit,  Inatsisartut inatsisaat, Inatsisartut  peqqussutaalluunniit naapertorlugit  Kalaallit Nunaanni  Eqqartuussivimmi siullermeerlugit  suliarineqartussaanngippata.«  8. § 57-imi imm. 1 sioqqullugu  immikkoortoq nutaaq  ilanngunneqassaaq:  »§ 57. Saqitsaannermik suliani, tak.  § 54, nr. 1,  eqqartuussinertaqanngitsumik  aalajangiinikkut  kiffaanngissusiiianermik misiliineq  pillugu suliani, tak. § 54 nr. 7,  akuersisitsinertaqanngitsumik  qitornavissiartaartitsinissamik  aalajangiinernik misiliineq pillugu  suliani, tak. § 54, nr. 8, inerteqqutit,  pisinnaatitaaffinnik</p>
---	--



<p>atuukkunnarsitseqqissinnaavoq.</p> <p>§ 55. Najukkani eqqartuussiviit suliasanik tamanik, inatsisikkut, Inatsisartut inatsisaasigut imaluunniit Inatsisartut peqqussutaasigut Kalaallit Nunaanni Eqqartuussivimmut siulmermeerffiusumik suliarineqartussanngortinneqarsim anngitsunik, siullermeeriffiusunik suliarinniffiussapput.</p> <p>§ 57. Kalaallit Nunaanni Eqqartuussiviup suliasarissavai suliasat, inatsisikkut, Inatsisartut inatsisaasigut imaluunniit Inatsisartut peqqussutaasigut eqqartuussivimmi tassani siullermeeriffiusumik suliarineqartussanngortinneqarsimas ut.</p> <p><i>Imm. 2.</i> Kalaallit Nunaanni Eqqartuussiviup suliarissavaattaq suliasat, § 56 naapertorlugu eqqartuussivinniit Kalaallit Nunaanni Eqqartuussivimmut siullermeeriffiusumik suliarineqartussatut innersuussutigineqarsimasut.</p>	<p>takussaannngitsunik innarliisoqarsimatillugu allakkanik qulakkeerineq, arsarinnikkallarnerit, pinngitsaaliissumik tuniniaanerit pillugit suliani aamma eqqartuussutinik naammassinninniaanerup tungaatigut suliasanik misiliinermik suliani, tak. § 54, nr. 9, nalunaarsuinerit (eqqartuussivikkoortumik) suliani, tak. § 54, nr. 10, misissuisartussanik naliliisartussanillu eqqartuussiviit sulinerisa avataatigut toqqaanermik suliani, tamanna naalagaaffiup sinniisaanit isumagineqarsinnaanngikkaangat, tak. § 54, nr. 13, uppernarsaatissanik katersuinermik suliani, suliani eqqartuussivimmi ingerlanneqartuni atugassaanngippata, tak. § 54, nr. 14, kiisalu suliani allani, inatsisit naapertorlugit eqqartuussivinnut suliasanngortitani, tak. § 54, nr. 15, Kalaallit Nunaanni Eqqartuussivik siullermeerinnilluni suliarinnittuussaaq.</p> <p>Tamatuma kingorna imm. 1-2 allanngortinneqassapput, imm. 2-3-nngorlugit.</p> <p>9. § 57, <i>imm. 1-imi</i>, imm. 2-nngortumi oqaatsip »Eqqartuussiviup« kingorna oqaatsit: »tamatumani saniatigut« ilanngunneqassapput.</p> <p><b>10.</b> <i>Kapitel</i> 22 atorunnaarsinneqassaaq</p>
---	--

Kapitali 22

*Akiliisitsiniaanermik sulianik  
suliaqarneq*

§ 263. Kapitalimi matumani malittarisassat atuutsinneqassapput aningaasatigut piunasaqaatit pillugu eqqartuussivinni suliaasanut, tassani suliaassiissuteqartup pinngitsaaliissutinik naammaasinninniaanissaq siunertaralugu suliaassanngortitsissummi taasinnaavaa ilimagineqanngitsoq suliaassanngortitaq piunasaqaammut akerliliissuteqassasoq imaluunniit akisilluni piunasaqaammik atuutitsiniaassasoq. Aalajangersakkanit taakkunanga allaanerusunik malitassaqartinnagu saqitsaannernik suliaasanik suliarinnineq pillugu malittarisassat nalinginnaasut atortuutinneqassapput, matumunnga ilanngullugit

pinngitsaaliissummik  
naammassinninniaasarneq pillugu  
malittarisassat.

**§ 264.** Suliassanngortitsisoqassaaq  
suliassanngortitsissummik  
eqqartuussivimmut,  
suliassanngortitap §§ 203, 204  
imaluunniit 208, imm. 1 aamma 2  
malillugit  
eqqartuussisoqarfigisaanut  
tunniussaqaarnikkut.

**§ 265.** Suliassanngortitsissut  
suliassanngortitamut  
nalunaarutigineqassaaq.  
Nalunaarutiginninnermut  
peqatigitillugu akissuteqaatit  
allakkiornissamut allaffissaq  
tunniunneqartassaaq  
ilitsersuutigineqarlunilu  
suliassanngortitaq piffissaliussatut  
taasap qaangiutinnginnerani qanoq  
iliuuseqassanersoq, suliassami  
nammineq soqutigisani  
isumaginiarlugit.

*Imm. 2.* Nalunaarutiginninnermi  
suliassanngortitaq  
akiliisitsisarnermut  
eqqartuussivimmukaqquneqassaaq,  
nalinginnaasmik nammineq  
ornigulluni, tak. § 604, imm. 3,  
suliassanngortitarlu peqquneqassaaq  
eqqartuussiviup piffissaliussaa  
qaangiutsinnagu akissuteqaatit  
allakkiamik tunniussaqaassaq.

*Imm. 3.* Akiliisitsiniaaneq § 603  
malillugu  
itigartitsissutigineqarsinnaappat  
suliassanngortitaq  
akiliisitsisarnermut  
eqqartuussivimmut imm. 2-mi  
oqaaseqatigiit siulliit malillugit

aggersarneqassanngilaq,  
taamaattaaq § 266, imm. 2  
malillugu  
naammassinninniaasoqassanani.

§ 266. Suliassanngortitaq  
piffissarititaasoq qaangiutsinnagu  
akissuteqaatitut allakkiamik  
eqqartuussivimmut  
tunniussaqaanngippat  
eqqartuussivik  
najuutinngitsoornermi  
eqqartuussuteqassaaq suliassiisup  
piumasaqaataa malillugu,  
suliassanngortitsissummi  
oqaatigineqarsimasumi  
tunngavilersorneqarsimasorineqart  
utut annertussusulimmik.  
Suliassanngortitaq suliassami  
naammaginartumik akissutitut  
allakkiorsinnaasorineqanngippat  
oqaatsitigut piareersaataasumik  
ataatsimiinissamut  
aggersarneqassaaq. § 230  
taamatulli atortuutinneqassaaq.  
Imm. 2. Eqqartuussivik imm. 1  
malillugu najuutinngitsoornermi  
eqqartuussuteqarpat imaluunniit  
oqaatsitigut piareersaataasumik  
ataatsimiinnerup imm. 1  
oqaaseqatigiit aappaanni  
taaneqartup kingorna  
nassuerutiginninnermi  
eqqartuussuteqarpat,  
eqqartuussivik eqqartuussutip  
assilineqarneranik  
illuatungeriinnut nassiussissaaq.  
Suliassiisup piumasaqaatai  
pinngitsaaliinikkut  
naammassiniarneqassapput  
tamanna pillugu immikkut  
noqqaassuteqartoqanngikkaluartoq  
. Eqqartuussut ingerlaannaq

11. § 292, imm. 3-mi, allassimasoq  
»eqqartuussivimmut pineqartup  
sumiiffigisaaniittumut«  
allanngortinneqassaaq: »Kalaallit  
Nunaanni Eqqartuussivimmut«-  
imik allassimasunngorlugu.

12. § 747, imm. 1-imi, oqaaseq  
»maannamut«  
allanngortinneqassaaq  
»siusinnerusukkut«-nngorlugu,  
aamma »2016«  
allanngortinneqassaaq »2018«-  
inngorlugu.

naammassisinniarneqarsinnaavoq,  
eqqartuussummi allatut  
aalajangiisoqarsimanngippat.

*Imm. 3.* Najuutinnginnermi  
imaluunniit nassuerutiginninnermi  
eqqartuussuteqartoqanngippat  
suliassap eqqartuussivikkut  
suliarineqarnera  
ingerlateqqinneqassaaq  
saqitsaanernik suliassanik  
suliarinnittarneq pillugu  
malittarisassat nalinginnaasut  
malillugit, suliassanngortitalu §  
265, imm. 2 malillugu  
ornigunnissamut pisuussaanaera  
atorunnaassaaq.

§ 267. § 614, imm. 3-6 malillugit  
pigisanik qularnaveeqqutissatut  
sillimmasiussat arlaliusut  
tullerriaarnerisa  
aalajangersarneqarnerani,  
suliassanngortitsissut § 266  
malillugu eqqartuussummik  
kinguneqartussaq,  
pinngitsaaliinikkut  
naammassininiaanissamik  
noqqaassuteqarnermut  
naligitinneqassaaq.

§ 292. Inuk pisortatigut  
oqartussaaitamit  
kiffaangissusiiarneqartoq  
imalluunniit inuk pineqartoq  
sinnerlugu iliuseqartoq,  
piumasaqarsinnaavoq  
kiffaangissusiiasimanerup  
inatsisinut naapertuunnaera pillugu  
imaluunniit siusinnerusukkut  
kiffaangissusiiagaasimanerup  
atuutiinnarnissa pillugu apeqqut  
eqqartuussivimmut  
aalajangigassanngortinneqarluni

## § 2

Inatsit atortuulersinneqarpoq ulloq  
1. juli 2014.

*Imm. 2.* Sulianut inatsisip  
atuutilernerata kingorna  
eqqartuussivinnut  
suliassanngortinneqartunut,  
sulianullu tamanut inatsisip  
atuutilerana sioqqullugu najukkani  
eqqartuussivinnut  
suliassanngortinneqartunut,  
inatsisilli atuutilernerani najukkani  
eqqartuussivinni piviusumik  
suliarineqarsimanngitsunut  
inatsimmi § 1, nr. 7-13  
atuutissapput.

suliassiissutigineqassasoq.

Tamannali atuutissanngilaq  
pinerlunnermik

eqqartuussisarnerup iluani aamma  
nunami allamiut pillugit inatsit  
naapertorlugu

kiffaangissusiaanermi.

*Imm. 2.* Pisortatut oqartussaasoq,  
kiffaangissusiaanissamik

aalajangiisoq, kinguarsarani  
kingusinnerpaamillu

kiffaangissusiaanerup

aallartinnerani pisussaavoq

ilitsersuutigissallugu suliassaq

eqqartuussivimmut

suliassanngortinneqarsinnaasoq.

*Imm. 3.* Eqqartuussivikkut  
misiliisoqarnissaq pillugu

noqqaassuteqartoqarpit pisortanut

oqartussaataitaasup,

kiffaangissusiaanissamik

aalajangiisimasup imaluunniit

tamatuminnga

atorunnaarsitsiumanngitsup,

suliassaq piaarnerpaamik

ajornanngippallu

kingusinnerpaamik ullut arfineq-

marluk qaangiutsinnagit,

eqqartuussivimmut pineqartup

najugaqarigisaaniittumut

saqqummiutissavaa.

*Imm. 4-6. ---*

§ **747.** Inuit, najukkami

eqqartuussisutut maannamut

sulisimasut, aammalu § 12, imm.

1-imi piumasagaatinik

naammassinnittut, Kalaallit

Nunaanni Eqqartuussivimmi

eqqartuussisumit 16. januar 2016

tikillugu najukkami

eqqartuussisuugallartussatut

ivertinneqarsinnaapput.

<p><i>Imm.</i> 2. Ivertitsigallarneq atorunnaassaaq najukkami eqqartuussisoq § 12 malillugu aalajangersimasumik atorfinitsinneqarpat imaluunniit najukkami eqqartuussisutut piukkussaq atorfimmi § 16, imm. 3 malillugu ivertinneqarpat. Taamaattorli Kalaallit Nunaanni Eqqartuussivimmi eqqartuussisoq ivertitsinermik siusinnerusukkut tunuartitsisinnaavoq.</p>	
---	--